



BODOSA ★ A Bodo News Daily ★ Tuesday ★ 19 March, 2024 Kokrajhar, BTC, Assam ★ Vol.- 33, Issue No. 350 ★ R.N.I. Regd.No. 40994/91, Assam Govt. Regd.No. IPRD.40/2006/3, ★ Rs./-

भारत-पाकिस्तान दावहानि समाव दावहारु महरै विफाव लाबोनाय ददिराम बर'आ रुंसारि जाबाय

कक्राझार/बक', 18 मार्च:

1971 माइथायाव सोमजिनाय भारत-पाकिस्तान दावहानि समाव भारतीय रैनिया बिफाननि सासे गोख्रों दावहारु महरै विफाव लाबोनाय बर' फिसा ददिराम बर'आ रुंसारि जाबाय। बिथाड थानाय शनिबार हरआव बक'-शाइगाव बिधान सभा बियाबनि सिडव थानाय बक' जिल्लानि भकदाबारि गामियाव थानाय गावनि आंगो न'आव 76 बोसोर बैसोआव रुंसारि जादों। रबिबारखालि बिथानि गोथै देहाखौ ओन्सोलनि गोबां दैदेनगिरिफोर, समाज सिबियारिफोर आरो गुबुन गुबुन आफाद गौथुमफोरनि दैदेनगिरिफोरजों लोगोसे गावनि नख रनि सोद्रोमाफोर दुखुयै जोबथा बिदाय होयो। आजिरा लानाय आर्मि अफिसार ददिराम बर'आ भारतीय रैनिया बिफाननि आसाम रेजिमेन्टि सासे दावहारुमोन। बिथाड 1966 माइथायाव भारतीय रैनिया बिफानआव जइन (□ 5 बिलाइआव)



कर्नाटकनि सुबुंफोरखौ लक सभा बिसायख 'थिआव बिजेपिनो भट होनो खावलायदों गाहाइ मन्थि मदिआ

गोदान दिल्ली, 18 मार्च:

“कंग्रेस दोलोआ मिथिगोनदि गोहोखौ फेर फाथिनयनि ओथिया मा।” बे बाश्राखौ बुंदों हादतनि गाहाइ मन्थि नरेन्द्र मदिआ। गाहाय मन्थि नरेन्द्र मदिआ दिने कर्नाटकनि शिवमगायाव खुनाय रेलिआव बाहागो लानानै बुडेदि, एनडिएआ फेगो लक सभा बिसायख थियाव 400 नि बासिन मासि मोननो थिखि लादों आरो बे थिखिखौ जाफुहोनो थारखाय कर्नाटक राइज्योआ भारतीय जनता पार्टी (बिजेपि) नो भट होनयनि गिदिर बिबान दं। बिजेपिआ मानो 400 नि बासिन मासिफोरनि बाश्रा बुगासिनो द होना मोनसे बानबुथि गोनां सोंथि सोंनायाव गाहाइ मन्थिआ बुडेदि बेयो



जौगानाय आरो जाखल नाय गैयै भारतनि थारखाय। कंग्रेसखौ गोखोडे गाग्लोबनानै गाहाइ मन्थि मदिआ बुंदोंदि कंग्रेस दोलोआ मिथिगोनदि गोहोखौ फेर (□ 5 बिलाइआव)

मानासयाव गान्दाया दावबायारिनि गारियाव गिखंथावयै गाग्लोबदों

सालबारि, 18 मार्च:

वर्ल्ड हेस्टिज साइट मानास माहारिया पार्कयाव फिन मुंदांखा थसे गं गोनां गान्दानि गाग्लोबनाय मोनसे जाथाय सोमजिदों। मख'नो गोनांदि, दावबायारिनि गंसे गारिखौ गेदेर मासे गान्दाया गाग्लोबदों। माहारियारि पार्कनि बासबारि हाग्रा ओन्सोलनि मथमगुरि-बासबारि लामा लटाझारनि साखाथियाव बे गिखंथाव जाथाया सोमजिदों। आफां आसामनि बडाइगावनिफ्राय फे नाय दावबायारिनि मोनसे हान्जाया जीप चाफारि खालामबाय थानाय समावनो मासे गेदेर गान्दाया थोंजों होसोनानै गाग्लोबो।



गान्दाया दावबायारिनि हान्जाया चाफारि खालामबाय थानाय जीपयाव गोखोथारै गोग्लोबो। नाथाय रोंगोथि गोनां जीप (□ 5 बिलाइआव)

आफगानिस्तानाव पाकिस्ताननि रैनिया हान्जानि गाग्लोनायाव गासै सा 8 सुबुंफोर जिउ ख'हा

गोदान दिल्ली, 18 मार्च:

पाकिस्ताननि रैनिया हान्जाया थानाय 17 आरो 18 मार्चनि हरव मोननै ओन्सोलाव अख्रंजों गाग्लोबदों होन्नानै आफगानिस्ताननि तालिबान सरकारा अजद होदों। बे जाथायाव आइजो आरो गथ'फोरजों लोगोसे गासै सा 8 सुबुंफोरा जिउ गोमायो। गुबुन फारसेथि, पाकिस्तानजों फोसावजानाय बिबुंथियाव आफगानिस्तान सोदोबखौबो बाहायनाय जायाखे मोन। बे बिबुंथियाव बुंदोंदि मोनसे इन्टेलिजेन्स इनपुटनि सायाव बिथा खालामनानै अपरेसन लानाय जादोंमोन। बे अपरेसन (□ 5 बिलाइआव)



आसामनि राइज्यो बेंगिरि गुलाब चान्द कातारियाजों लोगोसे बिथानि बिसि एबा गिवि आइजो अनिता कातारियाआ दिने लखनऊनि राज भवनआव नुजाथिहैनानै उत्तर प्रदेशनि राइज्यो बेंगिरि अनन्दिबेन पेटेलखौ लोगो हमहेंदों।

सानसेयारि

बड'सा

सानसेयारि "बड'सा" खरीरालाइयाव समजयारि जिज्जों लोब्बा थानाय रायथाय, खन्थाय, सल', सल'बाथा आरो दावबायारि थावनि, पार्क बाइदिनि सायाव लिन्नाय लिन्बिबां दैथाय ठर/ सानसेयारि "बड'सा" खरीरालाइया खेबखानानै फोब्यावगेल।
बड'सायाव लिन्ठरनायनि हुबा खालाम, "बड'सा" खरी नोथां, जों बयबो आंगो खालाम।
सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

कक्राझारआव एन डि ए जुथाय हान्जानि बिसाइखथि सामलाइआफादनि मावखुलि बेखेवबाय

बिटिसि बियाबाव जेन्नाय दैदेनगिरिआ लक सभा बियाबाव देरहाया : प्रमद बर'

कक्राझार, 18 मार्च: कक्राझारनि जोहोलाव दैमालु रडनि पाग्लाबाबा मन्दिरनि खाथियाव रंजा-बाजायै दिने फुंबिलियाव बिजेपि, इउपिएल आरो एजिपि जुथाय हान्जानि बिसाइखथि सामलाइ आफादनि मावखुलिखो बेखेवनाय जायो। दिने फुंबिलियाव बिटिसिनि गाहाइ मावफुं सोद्रोमा प्रमद बर', धुबुरि-कक्राझार लक सभा बियाबनि नावदिनायनि बिबानाव थानाय मन्थि रन्जित कुमार दास, एजिपिनि मिरु आफादनि लेडइ आफादगिरि कर्ममहन रायआ जुथायै मावखुलिनि गाहाइ दरखं बेखेवनायै



होनयनि उनावो एजिपि, बिजेपि आरो इउपिएल दोलानि फिर्फिला बिरहोयो। दैदेनगिरि आफादनि मावखुलि बेखेवनानै इउपिएल दोलानि आफादगिरि प्रमद बर'आ बुडेदि, आथिखालाव आसामाव खुंथाय गोहोयाव थानाय मोनथाम इन्जनि सरकारनि थारखायो गोजोन, जौगाथायआ फेदों। आसामनि अनगायैबो हादत नाडेनो एनडिएनि सोलायै गुबुन हान्जा गैया। बे बायदिनो बिटिआरआवबो गोजोन गायसन्नाय, जौगाथायआ एनडिए सरकारनि थारखानो जादों। बिसिआरआव खौसेथि लाबोनाय, 35 लाख रइजो-राजाफोरनो

एबसुआ बर' राव फोरोंनायनि थारखाय फोरोंगिरि मोगा-मोगि सायख' आन्जादनि फिथाइखौ फोसावबाय

सा 30 फोरोंगिरिफोरा गुबुन गुबुन जिल्लानि मोन 15 मिरुफोराव बर' राव फोरोंगोन

कक्राझार 18 मार्च: आसामनि दाब-दाब जिल्लाफोराव राइज्यो जाबोनाय बर' राव रायज्जानो रोडे बर'फोरखौ बर' राव फोरोंनायनि थिखि लानाय बायदियै दुलाराय बर' फरायसा आफादआ थानाय 5 मार्चखालि गुवाहाटीनि बाथौफुरियाव थानाय बर' थुनलाइ आफादनि मावख'



चशिय लिटेरि काल्चारेल क मप्लेक्सआव बर' राव फोरोंगिरि सायख'नायनि थारखाय मोनसे मोगा-मोगि आन्जाद लानाय जादोंमोन। बे आन्जादआव उथिसार जानो हानाय बिजाथिफोरनि मुं फारिलाइखौ दिने दुलाराय बर' (□ 5 बिलाइआव)

गसाइगाव फरायसालिमाआव एसएसबिआ फेग्रा मुवा-बेसादनि सायाव सांग्राथियारि हाबाफारि खुंदों

गसाइगाव, 18 मार्च: कक्राझार जिल्लानि गसाइगाव सदरआव थानाय गसाइगाव फरायसालिमायाव दिने एसएसबिनि बान्जायनायाव 'फेग्रा मुवा-बेसाद नागरनाय' आयदानि सायाव मोनसे (□ 5 बिलाइआव)

बड'फा उपेन्द्रनाथ ब्रह्मनि 68थि जोनोम सानखौ दतमा थुलुंगाफुरिआव

कक्राझार, 18 मार्च: बर' हारिनि गेजेराव खौसेथिनि लामा दिन्थिजेन्नाय, गुबुन हारिनि नासयनाय, गादबनाय आरो उतरखार खालामनायनिफ्राय बर' हारिखौ उदां खालामनायनि थारखाय हारिनि गेजेराव खौसेथि लाबोनायै जांखिखानायनि लामा दिन्थिजेन्नाय बर' हारिनि बिफा थामहिनबा बड'फा उपेन्द्रनाथ ब्रह्मनि गोथार जोनोम सानखौ बे खेबआवबो मेहेरगोनाडे फालिनो थारखाय साखा-फारा जादों। बड'फा उपेन्द्रनाथ ब्रह्मनि सानथौ आरो सानसिखौ



फोथानानै लाखिनाय आरो बर' हारिनि थारखाय बड'फानि

बोसोरफोमबो बड'फा उपेन्द्रनाथ ब्रह्मनि जोनोम सान 31 मार्चखौ फरायसा सान महरै फालिबोबाय थारदों। सिगां बोसोरफोरनि बायदिनो देग्लायबो दुलाराय बर' फरायसा आफादआ फेगो 31 मार्च अक्टखालि बड'फा उपेन्द्रनाथ ब्रह्मनि 68थि जोनोम सानजों लोब्बा लाखिनानै फरायसा सानखौ कक्राझार जिल्लानि सिडव थानाय दतमानि थुलुंगाफुरि थामहिनबा बिथानिनो मांखरसालियाव सानसेनि मेहेरगोनां हाबाफारिजों फालिनो थारखाय थिखि लानाय (□ 5 बिलाइआव)

बरपेटा रडनि शापाकामाराव जाब्रबथायजों सासे जोखोम



सालबारि, 18 मार्च: मानास माहारियारि पार्क- बरपेटा रड फोनंजाव लामा आरो बरपेटा जिल्लानि बरपेटा रड पुलिस थानानि सिडव थानाय शापाकामाराव दिने गंसे इ-रिक्सा गारिखौ गंसे गोखैथारै फैनय डाम्पार सौग्रावहोनानै जाब्रबथाय सोमजिहोयो। बरपेटा रडयाव फान्दो थारखाय मैगं लाबोनाय इ-रिक्साखौ सौग्राव होनानै सालायगिरिआ गारिजों लोगोसे खारखोमा लाडे। डाम्पारआ सौग्रावहोनाय गोब्राबे जोखोम जानाय इ-रिक्सा सालायगिरि मिजानुर हकखौ गोब्राबे थारसायाव बरपेटा (□ 5 बिलाइआव)

सर्तबारिनि भारती आध्यायन चक्रनि हेफाजाबाव आसाम साहित्य सभानि बारग' आफादगिरि हितेश डेकानि जौसे बोसोरारि सान खुदों

तिलक चन्द्र प्रसाद, चापर, 18 मार्च: आसाम साहित्य सभाया सर्तबारिनि भारती आध्यायन चक्रनि हेफाजाबाव थानाय 16 आरो 17 मार्च अक्टखालि सान्नि हबाफारिजों आसाम साहित्य सभानि बारग' आफादगिरि बयजोंबो (□ 5 बिलाइआव)



तामुलपुरयाव आन्सलिक श्रीश्री कृष्ण दौल फोर्बो खुंनो साखा-फारा

तामुलपुर, 18 मार्च: तामुलपुर जिल्लानि गोदो-गोदायनि पुणेया श्यामराय सत्रयाव फेगो 24 मार्चनिफ्राय 26 मार्चसिम सानथामनि गेदेर हाबाफारिजों तामुलपुर आन्सलिक श्रीश्री कृष्णनि दौल एबा फाकुवा फोर्बो फालिनो लाहार-फाहार जादों। हाबाफारि बायदियै, 24 मार्च अक्टखालि फुंनि 8:30 रिगायाव धोरोमारि फिर्फिलाखौ

बिरहोनाय जागोन। धोरोमारि फिर्फिलाखौ दौल फोर्बो आफादनि आफादगिरि नितुल दासआ बिरहोगोन। जायनि उनाव तामुलपुरनि एमएलए जलेन दैमारिआ बेलासिनि 4:00ल रिगायाव गाहाय हावग्रा गेटखौ बेखेवगोन। दुलाराय आसाम कच राजबंशी सम्मिलनि आफादगिरि प्रदीप नारायण डेबआ (□ 5 बिलाइआव)

रंजालि बैसागु खुंफुं आफादआ बिहु मोसनाय आरो दामजु दामनाय मावबादा खुंनो साखा-फारा खालामगासिनो

गसाइगाव, 18 मार्च: असमीयानि आंगोनिबो आंगोसिन रंजालि बैसागु फोर्बोआ गेजेराव माखासे सानल' थाबावनायनि सिगां गसाइगाव मिरु रंजालि बैसागु खुंफुं आफादआ थानाय बोसोरफोरनि बायदिनो देग्रायबो बिहु मोसनाय आरो दामजु दामनायनि मावबदा खुंनो थक-थियारि खालामनायखौ नुनो मोन्नाय जादों। फेगो 31 मार्चनिफ्राय 3 एप्रिलसिम गसाइगावनि जातिमिनारि कमल नाथ क्लाब आरो बिजाब बाखिआव बेलासिनि 3 (□ 5 बिलाइआव)

सुजुगिरिनि खोलोम



गोगो आबहावायासो गोगो देहा लाखियो

आथिखालाव भुम बिखानि बारहावाया जॉनि थासारीखौ गुबुले खालामनो हमनाइनि गुदिआवनो दडो-हाया बंग्रा जोबसांनाय, दैमा दैसा-बिलो हाखरफ्राव गोगो आबु दै थानो मोनै, जेसाव-गोफोन, सोबोर जोथोरजो थोन थोन बुंबोनो हमनायानो दानि बे हालोद।
5 जुन, अक्टखौ भुमनाडैनो बोसोरफरोमबो गोगो आबहावा लाखिनायनि सान हिसाबै फालिनाय जायो। जॉनि हादरआवबो बे सानखौ गोनार्थि होना नै फालियो नाथाय बेसेबां ओंथिगोनां आरो सांग्रांथि लाबोनानै बे फारिथाया जाफुंसारनो मोनो बेनि सायावसो सोनारो जॉनि गोसो आबहावा लाखिनायनि हाबाफारिया। गुबननिखौ दोन- जॉनि ओनसोल, बियाबआवनो गुबुले आबहावा सोमजिनाइनि थाखाय आथिखालाव बाइदिसिना मिथिंगायारी अलखद नुजाथिकैदों। मिथिंगायारी बारहावाया गोगो जायैथानो जॉनि थासारीनि आबहावायाबो जोबोरैनो गुबुले जाबोनो लामा लादों। जॉनि सोरगिदिं थानाय रोजोब हाया-बंग्रा, बिफां लाइफाडा लांदां जानानै फैनायाव अखा बांखा हाबांलिया, एखनब्ला अबथिरा बाना एखनब्ला खरां बोथोर जानो हमबाय, कल कारखाना, मतर गाडीनि उखुन्दै, सोदोबफ्रा सानफा एफा बांबोनो महनायनि जाउनाव ओनसोलाव गोगो बारहावाया गुबुले जाबोनो लानायाव जॉनि सोरगिदिं थानाय आबहावाया गात्रि महरै बिष गोनां जानो हमदों। बिजाउनाव लोमजा-साजा, बेराम आजार बांबोनो हमदों।

बेफोरनि अनगायैबो जो सानफ्रोमबो बाहायफ्लेग्रा प्लाष्टिक हारिनि मना, टडा बाहायखोन्दाफ्राबो हे फाजाव होदों। बेफोर बेसादजोंबो जॉनि ओनसोला गुबुले आबहावा निमोगा मोगि जानादों। गोगो देहा लाखिनायाव गुबुले बार, गुबुले दैया जेरै -खहा गोनां बिब्दिनो सोदोमआवो जोबोरै बिष गोनां खहा खालामो। जॉनि सोरगिदिं कल कारखानानिक्राय ओंखारनाय सोदोब उखउन्दैफ्रा सुबुं देहानि थाखाय जोबोरैनो खहा गोनां आबहावा।

बे गोगो आबहावा सान फालिनाइजों लोब्ला लाखिनानै ओनसोलनि बार, दै, हबा जेरावबो गोगो आरो थाजिम आबहावा लाखिनो मिथिंगायारी दाथायखौ अराय सोमखोरै लाखिनो नाजानांगोन। बेखायनो मिथिंगायारी बारहावाखौ गोजों लाखिनो जॉनि सोरगिदिं बिफां-लाइफां गायफबनानै दाखोर लादा सां खालामनो हायोब्ला आबहावायाबो गोगो जागोन □

'गुरुदेबनि सानथौ आरो सानस्त्रिखौ बिथा खालामनानै हात्थिनाय लामायाव महा यज्ञ'

बड'फा उपेन्द्रनाथ ब्रह्मनि दैदेननाय दुलाराय बर' फरायसा आफादिनि 6 बोसोर सोमावसारनायनि उनाव इराजी 1993 माइथार्यनि 20 फेब्रुवारीयाव दुलाराय बर' फरायसा आफादिनि दैदेनगिरि, आसाम सरकार आरो भारत सरकारनि गेजेराव बर'नि गिबिसिनि गोरोबथा-BAC गोजेन गोरोबथा जालांदोंमोन। बिनि उनाव 2003 माइथार्यनि 10 फेब्रुवारीयाव BLT हानजानि दैदेनगिरि, आसाम सरकार आरो भारत सरकारनि गेजेराव बर'नि नैथि गोरोबथा- BTAD गोजेन गोरोबथा जालांदोंमोन। बिनि उनाव 2020 माइथार्यनि 27 जानुवारियाव दुलाराय बर' फरायसा आफाद आरो NDFB नि मोनथाम हानजा-गासै मोनब्रै आफादफोरनि दैदेनगिरि, आसाम सरकार आरो भारत सरकारनि गेजेराव बर'नि थामथि गोरोबथा-BTR गोजेन गोरोबथाया जालांदोंमोन। बर'नि मोनफ्रोमबो गोरोबथाखौ बर' राज्जो-राजाफोरा गाजा-गोमजायै बरायदोंमोन। मोनफ्रोमबो गोरोबथानि सागानगिरि गेदेमा बिथांमोनखौ बर' राज्जो-राजाफोरा बर'नि गोथार आर'नाइजों बरायदोंमोन। गोजेननायजों बयबो बर' फिसाफोरा फारफ्रोमबो बिथिंडव जौगाखानाया नि मिजिक लानानै खुसिजों रंजादोंमोन। बै गोरोबथानि गेजेरजों थारैनो बायदि बायदि बिथिंडव हारियाव जौगानाय लाबोदों। बड'लेण्ड ओन्सोलाव फरायसालि, फरायसालिमा, मुलुग सोलौंसालि आरो बायदि बायदि फसंधान गायसननानै लानो हादों। गोजौ थाखोनि सोलौंथाइ लानो मोनदों। ओन्सोलनि बर' सेंग्रा सिखलाफ्रा साखि-बाखि मोनदों। न' बां लुनानै लानो हादों। रंजा-खुसि राज्जो जादों। बेफोर गासैबो थिगैनो दड। नाथाय मोनफ्रोमबो गोरोबथानि दफाफोरार बर'नि समाज फोसावगिरि आरो ब्रह्म धोराम फोसावगिरि गुरुदेब कालीचरण ब्रह्मनि बिहोमानि सायाव मोनसेबो थांखि-बिथांखि गैयामोन। बेखौ लानानै ब्रह्म धोराम सिबियारि आइ-आफामोननि गेजेराव उनदाहा खालामनाय जादोंमोन आरो लासै लासै गोबां सावरायलायनाय जालांदोंमोन। दुलाराय ब्रह्म धोराम आफादिनि मेल आरो जथुम्माफोराव गुरुदेबआ बर' हारिनो होलांनाय बिहोमानि सायाव माननागोनि थांखि लानानै सरकारनिमित्त गोबां खेब गोसांखां बिलाइ गथायनाय जादोंमोन। नाथाय जाफुंडखैमोन। नोजेर होयोबा नुनो मोनोदि-आसाम सरकारआ आसामनि गुरु एबा 'एक शरण' नाम धोराम फोसावगिरि 'महापुरुष श्रीमन्त शंकरदेव'नि बिहोमानि सायाव थांखि-बिथांखि लानानै गोबां हाबा मावदों। मानोना मोनसे आध्यात्मिक सिन्ताधारानि गेजेरजोंसो मोनसे नख'र, समाज, राज्जो, हादोद आरो गासै मुलुगाव गोजेन जायो। बिनिखायनो जायखि जाया मोनसे सुबुं समाजखौ मोजां लामाथिं लांनो थाखाय धोरामआरि सानस्त्रिखौ नांगो जायो। बै बायदिजों असमीया बिथांमोनहा महापुरुष श्रीमन्त शंकरदेवनि आदर्शखौ मुलुगाव गोसारहनो हादों। गावसिनि समाजआवबो जौगानाय फैदों। असमीया रावारि बिथांमोनहा सोलौंथाइखौ लानानै फारफ्रोमबो बिथिंडव जौगानो हादों। नाथाय आसामनि नैथि महापुरुष 'गुरुदेब कालीचरण ब्रह्म'नि सायाव सरकारनिफ्राइ जेबो हाबा मावनाय जायाखे। जानो हागौ गोहोआव थानाय गोबां गेदेमा सुबुंफोरानो गुरुदेबनि सोमोन्दै सानाखैमोन। जाउनाव बर' हारिया गुरुदेबनि आदर्शखौ मुलुगाव गोसारहनो हायाखे। बेफोरखौ लानानै ब्रह्म धोराम सिबियारि आइ-आफामोननि गोसो गोबाँआव गावखांनाय फैदोंमोन। दुलाराय ब्रह्म धोराम आफादिनिफ्राइ गुरुदेबनि सोमोन्दै सावरायनाय बाध्राफोरखौ

अंकुर ब्रह्म लोको नेहाथारी-दुलाराय ब्रह्म धोराम आफाद

लानानै आसाम सरकार, बिटिसि सरकार आरो बर'नि माहारियायि आफादफोरनि गेदेमा दैदेनगिरिफोरनिमित्त लांनो जोबोद नाजानाय जादोंमोन। बिनि उनाव इराजी 2020 माइथार्य, जुन दाननि 8 अक्र, समबार बाराय, (76 थि लक डाउन सान) फुनि 9-00 रिंगासो समाव करझार नोगोरनि 'बड'फा हाउस'आव दुलाराय बर' फरायसा आफादिनि बारग' आफादगिरि एबा बै समनि UPPL राजखान्थि हान्जानि आफादगिरि आरो आथिखालनि बिटिआरनि गहाय मावफुं सोद्रोमा मानाव गेदेर प्रमोद बर बिथांखौ दुलाराय ब्रह्म धोराम आफाद आरो बे आफादिनिदो दालाइ आफादफोरनि माखासे बिबानगिरिफोरा गिबि खेब लोमो हमदोंमोन। बै सानाव गुरुदेब कालीचरण ब्रह्मनि सोमोन्दै गोबां सावरायलायनाय जादोंमोन। बिनि उनाव गुरुदेबनि मावलांनाय बिहोमानि सायाव गासै जिने आयदानि सायाव गोसोखां बिलाइ गथायनाय जादोंमोन। बै गोसांखां बिलाइ गथायनाय समाव ब्रह्म धोराम आफादिनि बिबानगिरि आफामोनहा दंमोन, फारियै-दुलाराय ब्रह्म धोराम आफादिनि नेहाथारी-जगत चन्द्र ब्रह्म, गुरुदेब कालीचरण ब्रह्म ट्रास्टनि नेहाथारी-डा, अजित बर, निरन्जन ब्रह्म, पियारि मोहन ब्रह्म, बिस्व कुमार ब्रह्म, बिद्धासागर ब्रह्म, जतिन्द्र ब्रह्म, रमन चन्द्र ब्रह्म, सानखां नाजारी, डा: रबिन चन्द्र ब्रह्म, जयन्त कछरी, डा, मिहिर कुमार ब्रह्म, कास्तम बसुमतारि, अंकुर ब्रह्म आरो गोबां। गोसांखां बिलाइ गथायनायनि उनाव बिथांआ बुंदोंमोन-आं बिसायख 'थियाव गसंनाय आरो गसंडैजो जेबो बाध्रा गैया। गुरुदेबनि सायाव खौसेयै हाबा मावगोन। बिनि उनाव मानाव गेदेर प्रमद बर' बिथांजो गिबिसिनि हाबाफारि बायदि्यै बे दाननिनो 21 अक्र सानखालि काजिगावनि 'गुरुधाम' आव ब्रह्म धोराम आफादिनि माखासे दैदेनगिरि आरो गोबां ब्रह्म दोहोराम सिबियारि आइ-आफामोनजों लोकोसैयै यज्ञ होदोंमोन। बै सानावबो दसे सम सावरायलायनाय जादोंमोन। दुलाराय ब्रह्म धोराम आफाद आरो मानाव गेदेर प्रमद बर' बिथांजो लोको हमनो खाबु मोननाया बे नैथि खेब जादोंमोन। बै समनि गेजेरावनो ब्रह्म धोराम सिबियारिफोरनि थाखाय जोबोद दुखुनांथाव बाध्राया जाबाय-बे बोसोरनिनो सेप्टेम्बर दाननि 28 अक्टखालि 'गुरु आफा योगेश्वर ब्रह्म'आ गावनि बिचिसि, फिसा, बिहामजो, फिसौ आरो गोबां ब्रह्म दोहोराम सिबियारि आइ-आफामोननाखौ नागारनानै हरखाब लोमजानानै अबथिरा जीउ गोमाथो। बै दुखु नांथाव खौरांखौ मोननायनि उनाव आसामनि दाब-दाब जायगानिक्राय गहपुरनि दैमालु चेंटर आव हारि धोराम बासिनय गैयै गाबा मोखाडै 'ज'मा जादोंमोन। बिनि गुबै जाहोना मोनसेल' गुरु आफा योगेश्वर ब्रह्मखौ जोबथा बिदाय होनाय। बिनि अखानायै गुरु आफा योगेश्वर ब्रह्मनि गोथै देहाखौ सक्तर खालामनाय समाव दुलाराय बर' फरायसा आफादिनि आफादगिरि दिपेन बर' बिथांजों लोकोसे बे आफादिनि गोबां दैदेनगिरि बिथांमोनहा गुरु आफादिनि जीउ गोमानायाव गावसोरनि दुखु मोननायखौ फोरमाथैदेंदोंमोन। बेनि उनाव ब्रह्म धोराम आफादिनिफ्राय गेदेमा प्रमद बर' बिथांखौ 'गुरु आफा योगेश्वर ब्रह्मनि आध्य श्राद्ध खुंनाय हाबाफारियाव आलासि लानो थाखाय गनायथि मोननायनि थांखि लानानै बाक्सा जिलानि सिडव थानाय सिमला-हुजुवाआव लोको हमनाय जादोंमोन। बै हाबाफारियाव 'ब्रह्म धोराम

आफादिनि बिबानगिरि आफामोनहा दंमोन, फारियै-दुलाराय ब्रह्म धोराम आफादिनि नेहाथारि-जगत चन्द्र ब्रह्म, गुरुदेब कालीचरण ब्रह्म ट्रास्टनि नेहाथारि-ड अजित बर', दुलाराय ब्रह्म धोराम आफादिनि बारग' आफादिनि रबिराम बसुमतारि, निरन्जन ब्रह्म, रनसाय बसुमतारि, बिद्धासागर ब्रह्म, पियारि मोहन ब्रह्म, मनिलाल ब्रह्म, सुनिराम बसुमतारी, भद्रसिं ब्रह्म, अंकुर ब्रह्म आरो गोबां। ब्रह्म धोराम आफादिनिफ्राय मानाव गेदेर प्रमद बर' बिथांखौ लोको हमनाया थामथि खेब जादोंमोन। बै बायदिनो गुरुदेब कालीचरण ब्रह्मनि सानथौ आरो सानस्त्रिखौ बिथा खालामनानै माबा मोनसे गिदिर हाबा माननायनि थांखिजों ब्रह्म धोराम आफादिनिफ्राय प्रमद बर' बिथांखौ सम सम लोको हमनायनि खाबुखौ लाबोबाय थानाय जादोंमोन। गेदेमा प्रमद बर' सार बिथाडबो लोको हमनायनि खाबुखौ होबोबाय थामोंमोन। इराजी 2021 माइथार्यनि 18 एप्रिलआव गुरुदेब कालीचरण ब्रह्म ट्रास्टनि बान्जायनायाव गुरुदेब कालीचरण ब्रह्मनि जेनोम सानखौ गुवाहाटी मुलुग सोलौंसालियाव फालिनाय जादोंमोन। बै हाबाफारियाव बाहागो लानानै बिटिआरनि गहाइ मावफुं सोद्रोमा गेदेमा प्रमद बर' बिथाड गुरुदेबनि जेनोम सानखौ फालिनो थाखाय बोसोरफ्रोमबो बिटिआर सरकारनिक्राय 10 लाख रं अन्र्मुथाय होनायनि बाध्रा फोसावो। बिनि गेजेराव बिटिआर सरकारआ बड'लेण्ड मुलुग सोलौंसालियाव गुरुदेबनि मुसुखा फसंबाय आरो गहपुरनि दैमालु चेंटरआव गुरु आफा योगेश्वर ब्रह्मनि मुसुखा फसंबाय। बिटिआर सरकारनिक्राय 10 लाख रांखौ मोननानै इराजी 2022 माइथार्यनि 18 एप्रिलआव गुरुदेब कालीचरण ब्रह्मनि जेनोम सानखौ बडलेण्ड मुलुग सोलौंसालियाव गुरुदेब कालीचरण ब्रह्म ट्रास्टनि बान्जायनायाव गाजा गोमजायै फालिनाय जादोंमोन। बै हाबाफारियाव आसाम एसेमब्लिनि बूथिगिरि बिस्वजित दैमारी, बिटिआर गहाइ मावफुं सोद्रोमा प्रमद बर', आसामनि मन्थि उखांव गोरा ब्रह्म आरो बर'नि गोबां माहारियायि आफादफोरनि दैदेनगिरि गेदेमा बिथांमोनहा बाहागो लादोंमोन। बै हाबाफारियाव आसामनि दाब-दाब जायगानिक्राय गुरुदेबखौ मोजां मोनग्रा राज्जो-राजाफोरबो लैहोर-लैहोर बाहागो लादोंमोन। बै बायदिनो इराजी 2022 माइथार्यनि 8 नभेम्बरआव बडइगारवनि Hotel Jahnabee Regency आव बिटिआरनि गहाइ मावफुं सोद्रोमा प्रमद बर' बिथांनि दैदेननायाव दुलाराय ब्रह्म धोराम आफाद आरो स्वरुप स्तिथि प्रचार संसद बे मोननै हान्जानि दैदेनगिरिफोरखौ 'ज' खालामनानै गावसानानै थानाय मोननै ब्रह्म धोराम आफादखौ खौसे खालामनाननि थांखिजों गिबि सावरायलायनाय जादोंमोन। बै सावरायलायनाय गोबां आइ-आफामोनहा बाहागो लादोंमोन। दुलाराय ब्रह्म धोराम आफादिनिफ्राय-अमरेन्द्र ब्रह्म आफादिनि, दुलाराय ब्रह्म धोराम आफाद, मनरन्जन ब्रह्म, गहाइ फोसावगिरि, दुलाराय ब्रह्म धोराम फोसावदिं आफाद, डू अजित बर' आफादिनि, गुरुदेब कालिचरण ब्रह्म ट्रास्ट, रबिराम बसुमतारि, बारग' आफादिनि, दुलाराय ब्रह्म धोराम आफाद, बिस्व कुमार ब्रह्म, पियारि मोहन ब्रह्म, अंकुर ब्रह्म आरो गोबां। स्वरुप स्तिथि प्रचार संसदनिफ्राय-रमेच चन्द्र ब्रह्म, अधिनायक स्वरुप स्तिथि प्रचार संसद, गोजेनथाव ब्रह्म, नेहाथारि, स्वरुप स्तिथि प्रचार संसद, नबिन बरगयारी आरो गोबां। बिनि उनाव इराजी 2023 माइथार्यनि 18 एप्रिलआव गुरुदेब कालीचरण ब्रह्मनि जेनोम सानखौ गुरुदेब कालीचरण ब्रह्म (□ 4 बिलाइआव)

दिरव्ववार जिथाम खोन्दो

-प्रतिमा नन्दी नाजारी

हाबाम मानो बिदि खालामनायनो हाखो बहा थांखो मानो थांखो ना सोरबा किडनेप खालाम बायखो ना माखो ? सानस'नो हायै जाथारबाय। सोरबा बहाबा लांखारखो नामा फानहैला बायबाय नामा ? आं ओंखामखोनो खहाबाखिसै उन्दुनोबो हायाखिसै गोसो खानानै दिखखारजोंनो। जोबोद दुखु नांथाव। सासे रोंखा-राखा बैसो जानाय आइजोखो सोर बोरै बिदि लांनो हाखो फालाइ ? हख्रावनाय फोरबो खोनायाखैबो माथो ? माबाफोर खैफोद जाब्लाथ' जोंखौ लिंहरगौमोन दावराव खोनागौमोन नाथाय जेबो दावराव-दावसि गैया जेबो सोदोव खोनायाखैबो। मा गोमोथाव खोथा जाखो बेलाइ गोथां-गोथिं सान्रै गथ'नि सासे बिमाखौ सोर लांनांगौ जाखो ? ना गावसो गावनि दुखुफोरखौ सहायनो हायैनि दैमाफोरवसो बारसोमना थैला हैवाय नामा ? दिखखारजोंनो आनि बिखाया गावजोबबाय।
लाइसि बिमादँआ बिदि होनना बखिगासिनो दंमोन गावसोरनि न' खामसालियाव जिरायनानै। थिख बे समावनो आला-माला खौरं मोनानै लाइसि बिमादँनि फिसाजो बिलाइ हरनाय गावदांआ न'आव फैदों। सोरबा खिन्था हरदोंनो बिमार्यनि फिसाजो लाइसिया साननै सानथामसो जाबाय न'निक्राय गोमानाया। बेखायनो मोखाडव दुखु लानानै बिमादँनि फिसाजो गावदांआ सुलाद लानो होनानै न'आव फैदों हामफला-सिफला गथ'फोरखौ लाबोआ जासे हारिसिंदै फैब्रबदों।
अब्ला बे समाव बिमाया हासिडै खामसालियाव जिरायगासिनो दंमोन। गावदांआ सफैगोमोनो दैखरआव आथिं सुहैनानै बिमानि खाथियाव खामसालियाव फैना जिराय फैयो। बेनिक्राय बिमानाव हां लास्लाबलायै सोंदों-
“आइयै ! खौराइ नंमारगौ नामा आइयै ? माथो आब' लाइसिया न'निक्राय गोमानाया साननै-सानथाम बारबाय होनलाइ नंगौ ? मोजाडे सुलाद लायाखै नामा आइयै ?”
अब्ला बिमाया गाबा मोखों जानानै बुडे-
“ओ हाइ- न'निक्राय गोमानाया सानथाम बारलायलांबाय। बहा थांखो मा जाखो मानो थांखो जोंबो एसेबो खबर मोनाखिसै। गोमाखालि सानाव जॉनावसो फैदोंमोनलाइ आंखौ लिंफैदोंमोन फिसाजोनाव आलासि जानो होनानै। बेनिक्राय आं थांनो हाथ 'नाय नइ होन्नायखाय थांफिन्दोंमोन। मानो होनब्ला अंहा सिं सानाया एसे बारा जानायखाय थांथ'आ होनानै।
अब्ला हरखाव गावदांआ बुडे-
“ए आइयै होमब्लालाइ फिसाजोनावसो थांदों होन्दां उदिस खालामाखै नामा ?”
“आं बेखौनो सानदोंमोन। फिसाजोनावसो हारिसिंदै थांदों खोमा होनानै। गैया थाखडै फिसाजोनावबो। थांथाव जायगाफोरवबो सुलाद लाजोब्बाय हाइ-नाथाय गैया जेरावबो। रावबो मोजाडै खिन्थानो रोड-सोरबाफोरसो माबाफोर खालामनायदों नामाथाइ बुंस' हाला।” लाइसि बिमादँआ दुखुजों बुडे।
“ना सोरबासो लांखो ? नाथाय मानो लांनो ? फिसाइ, फिसाफोर गोनां बुरै मानसिखौलाय ?” फिसाजोआ बुडे।
बिसोर बिमा-फिसाजो रायलायबाय थाब्ला गामिनि सासे फिसा गोनां आइजोआ गाबजिं फैयो-
“ओइ मादँ न'आव गैया नामा ?”- सैमा एसे सोफ्रावदों। सैमा सॉनाय खोनानानै लाइसि बिमादँआ लामाथिं नायहरो अब्ला सोरबा सासे सिनायनाय। नंखायनो खामसालियाव लिंहरो। बेनिक्राय बुहरो ए नाब्लेसोलाय माथो। फै जिरायफै।
बिदिनो ज' खामसालियाव जिरायनायसै। एसे सम रुवाथिया गावदांनि थाखाय साहा फुदुंनानै लाबोयो। फुनि सौराय एवनाय दंमोन बेजोंनो लाबोदों।
अब्ला गावदां बिमाया रुवाथिखो बुडे-
“दरले नै नाब्लेबो फैदों बेनि थाखायबो खावसे लायबावथां आबै आरो दाहोनाफोरखौ लिंहर हैथां

आबै बारियाव लाफा माइसा दांदों बिसोर थरला आरो मेब्ल्या आरो बै दाउला गोजाखौ होसोनो सिथारनो थिन बेनिक्राय अनलाजों संदो दे। मैयानि नाबो दंमोन नामा ? बेखौ एसे मैथा आनाजोर होनानै संदे।
“नंबाय थायाहाइ आइयै नोंसोर जानायजोंनो जागोन आंबो।” गावदाड बुडे।
“दे जागोन आबै। साहाखौ खाबसे बारा लाखादोंमोन आं र' लाइनि।” बिदि होनना रुवाथिया साहा खाबसे लायबावना नाब्लेनो होलाडे। साहा लोड- लोडै नाब्लेआ सोडे-
“गावदांआ माब्ला फैया ?”
“ए, बावआखै आब' आंबो। बै आब' लाइसिनि खौरांखौ आला-माला मोनानै नंमारगौना नंमार होनना सुलाद लानोसो फैब्रबदों आं।” गावदांआ खिन्थाना बुडे।
“ओहाय मादँ। मात्रै बिदि जाखोथाड ? मादँहाय नंगौना नइ मोनथाय गामिनि मानसिफोरखौ एसे स्त्रोथ स्त्रोथ बुंनाय खोनाब्रोमदों हाइ आं मादँ।” नाब्लेआ बुडे।
अब्ला लाइसि बिमाया सॉना बुडे-
“मा बुंदों गामिनि मानसिफोरलाइ ?”
“गामिनि मानसिफोरा बुंदों दाखालि हराव सोरनिबा फिसा लोमजानायखौ नायनो लेंना लांदोमोननो मादँ आब' लाइसिखौ। बै न' खाथिनिया नुहुरदोमोननो हरखाब गाव मोजाडै सिनाय हरनो हायाखैमोननो। दै गाथोनाव दुगै हैग्रा आइजोफोरा बायदिसिना रायलायदों मादँ आब' लाइसिखौ। बिसोर बुंदों आरो-माबा जौ फेब्लथाय देरगा-देरगा खोथा बुडे हुमखि होलाबायो अं अं रायला बायो मानसिफोरखौ। बेखायनो सोरखौबा माबा बुंफलांनानै हमना लांजाबाय गोनहाय लाइसिया। नइब्ला बहा थांनांगौ जाखो बेलाइ ? गोदाव सोराव गावनि फिसाइ जावलिथाखो गारलांनानैलाइ होनना। नंगोबोथ' मादँ जोबोद साननांगौ गोनां खोथासो जाबाय। दामानि उन्दुनोनो हायाखिसै आं मादँ आब' लाइसिखौ गोसोखानानैनो।'
नाब्लेआ लाइसि बिमार्यनि फिसाजो जायो। खुरमासो जायो। बेखायनो नाब्लेनि गोसोआव जोबोद दिखखार नदों। गावदाड बुडे-“दाखालि हराव सोर लांफैआमोन गामियाव सॉलाबानो मोनगोनना आब'।” अब्ला बिमाया बुडे-
“सॉनासिगोन र', थौ सॉनाय हैनि दाखालि हराव सोर लेंनो फैआमोन अब्लानो एसे सुलुंखौ मोननो हागोन।” बिदि होनना बिसोर जायखि-जाया फिसाइ जावलिथानाव सॉनायनो होनना बिसोर बिमा-फिसा आरो नाब्ले साथामजों सॉनो थाडे। मानोना सोर लांफैआमोन फिसाइ जावलिथानो खिन्था रेंनो हागौ।” बिदि होनना बिसोर साथामबो ओंखारलाडे।
दानिया थरला आरो मेब्ल्या फैनानै लावथि गंफा-गंफा लानानै दाउला गोजाखौ होसोनो नाजायो। दसे लागैनो दावराव दाड जोनि गेदेरनायजों गोगोम जालायो। दाड होसोब्लाथाय सैमा फोराबो दावराव सॉफ्रावफ्रायो नालाइ। दाड होसोनाय खोनाब्लाथाय न' खाथिनियो मिथिखायो बिसोरनियाव सोरबा आलासि फैदों होनानै। हरखाब आलासि फैन्वा दाड होसोनायाबो जॉनि बर' हारिनि मोनसे नेम-खान्थि बादि आखुथाइ।
बेनिक्राय हरे लाइसि बिमादँआ फिसाजो गावदां आरो नाब्लेखौ लाना थानानै सोंहैयो। बेनिक्राय बिमादँआ बिजामादँ जावलिथाखौ गाबजिं हैयो-
“ओइ जावैसो। जावैसो। न'आव दंनो गैया ?”
अब्ला न' सिंनिक्राय गुरुब्ला नुजाफेनानै सिबाय सोंफैयो-
“लाइसिया फैबाय नामा लाइसिया ?”
बेनिक्राय नाब्लेआ बुडे-“फैआखैहाइ गुमै। जोंसो फैदों नॉनियाव सॉनो। ओइ गुमै दाखालि मोनायाव आब' लाइसिखौ सोर लेंनो फैआमोन ?”
अब्ला बुहां बुडाहां जाना फिन होयो- आं मिथियालै सोर लेंफैआ। आं सिनायालै आं उन्दुबायमोन नालाइ सोरमोन आं नायहराखैमोन।” अब्ला बिमादँआ बुडे-
“जामबा ना जामबा बेनिक्रायलाय मा मिजिं खालामनो हानो। जों गामिनि सोरनावबा सोंखोमा नांसिगोन।” अब्ला नाब्लेआ बुडे-
“र' मादँ आं सोरनावबा सॉनो नाजानोसै। दे मादँ आं थांनोसै।” बिदि होनना नाब्लेआ न'आव थांनायसै।
बेनिक्राय बिसोरबो बिमा फिसाजो न'आव फैनानै ओंखाम जाफेनायसै। दसे उनाव गावदाडबो बिदाइ लानानै गावनि न'आव थं नो ओंखारलांनायसै। अब्ला बेलासिनि थाम रिंगासो जाबायमोन □

दिनैनि फान्जामुधि

राशि बाइदियै मुनि गिबि हांखो

मेघ : अ ल **बृष :** ऊ ब (उ ए इ) **मिथुन :** क छ (ङ ढ) **कर्कट :** ड ह **सिंह :** म ट **कन्या :** प ट (ण ष) **तुला :** त र **वृश्चिक :** ब न **धनु :** थ ध (ढ फ) **मकर :** ख ज **कुम्भ :** ग श (स) **मीन :** द च (ख ज झ)

मेघ: जेखि मावा फालांगिआव मुलाम्फाखौ मोनो हागोन। गोजेन मोनगोन। मोजां सान।

बृष: हरखाबै माबाफोर मुवा-बेसाद मोनो हागौ। गोसोखौ गोजेन मोनगोन। मोजां सान।

मिथुन: फालांगिरि मावग्रानि थाखाय गाहाम सान। रंखावरि मुलाम्फा मोनो हागोन।

कर्कट: मोजां रेंग 'थिनि थाखाय सन्मान मोनो हागोन। गोजेन मोनगोन। मोजां सान।

सिंह: शुभ खामानि मावनो गोनां दड'बा मावनो हागोन। गोजेननायखौ मोनो हागोन। मोजां सान।

कन्या: बायदिसिना सान्नाय-हनायजों गोसोआ बोरलाबायनो हागौ। जेखि जाया गोसोखौ हमथा।

तुला: जेखियानो जाया गोसोखौ शान्ति गैयै मोनगोन। गोसो हमथानानै सोलिनांगोन।

वृश्चिक: सोरजोंबाफोर गोरोन्थि बुजिलायनाय जानो हागौ। जेरैबो सांग्रां जानांगोन। गोसोखौ हमथा।

धनु: माबाफोर बेरामआव गोल्गैबायनो हागौ। देहाखौ सांग्राडे लाखि।

मकर: जेरैबो रंजा-बाजा खालामनो हागोन। गोजेनै सम बारहनो हागोन। मोजां सान।

कुम्भ: मोजां मोनलायनायनि गेजेराव सोमोन्दो थानाया गोरा जागोन। अनलायनाया बांगोन।

मीन: माखौबा लानानै नख र'आव बिचि-फिसाय दावराव-दावसि जानो हागौ। जेखि जाया गोसोखौ हमथा।

गिनिज वर्ल्ड रेकर्ड आव मुं थिसन जायोब्ला बेसेबां रां मोनो?

गिनिज वर्ल्ड रेकर्डिन बागै आथिखालाव गोबां खोनानो मोनसै। जौं बयबो मिबथिगौदि, बेयो मुलुगनां थाखोनि मोनसे गिदिर बिमुं आरजिनो हानायनि मोनसे दोनथुमनाय रेकर्ड एबा सानरेब। बे रेकर्डआव बै सुबुंफोरनि मुडल 'थिसनजायो जायफोरा गुबुनफोरनिफ्राय जोबोद आलादायै हाबा मावना दिन्थियो। बेबायदिनो सिगां समाव गुबुन रावबो सुबुंज मावफेरै खामानिखौं मावनानै दिन्थियोब्ला गिनिज वर्ल्ड रेकर्डआव थिसनफानाय जायो। नडब्ला गुबुननि मुडव थानाय रेकर्डनिखुइ बांसिन बे एखे खामानिखौंनो



मावफुंनो दिन्थियोब्लाबो बे वर्ल्ड रेकर्डआव मुं थिसनजानो हायो। नाथाय नोंथाडा मिबथिगौना गिनिज वर्ल्ड रेकर्डआव मुं थिसनजानायनि मुडव मा बान्था मोनो? मुंदांखा बे रेकर्डआव मुं थिसनजानो हायोब्ला बेसेबां रां मोनो नोंथाडा बेखौं मिबथिगौ नामा? गुबुन गुबुन बान्थाफोराव गिदिर रांखान्थि मोन्यानि बाश्राफोरखौं जौं खोनानो मोनो। नाथाय सोमोनांथाव बाश्रादि, गिनिस वर्ल्ड रेकर्डआव मुं थिसनजायोब्ला बेनि बदलै बै सुबुंज जेबो रां मोन्या जाया। वर्ल्ड रेकर्ड बानायनायनि थाखाय उल्थायै बै सुबुंजसो रां होनांगौ जायो। गिनिज वर्ल्ड रेकर्डआव मुं थिसन्यानि




'गुरुदेबनि सानथौं आरो सानस्त्रिखौं बिथा खालामनानै हाथिनाय लामायाव महा यज्ञ'

(□ 2 बिलाइनिफ्राय) ट्रास्टनि बान्जायनायाव गोदान दिल्लीयाव फालिनाय जायो। बे हाबाफारियाव बिटिआरनि गाहाइ मावफुं सोद्रोमा प्रमद बर', आसामनि मन्थि उखाव गोरा ब्रह्म, राइजो सभानि एमपि रोनगोरा नाजिर्, बर' थुनलाइ आफादनि गाहाइ नेहाथारि निलकान्त गयारी, गोबां थुनलाइगिरि, गेदेमा सुबुंफोर आरो गोबां ब्रह्म दोहोराम सिबियारि आइ-आफामोनहाबो बाहागो लादोंमोन। बिनि उनाव 10 जानुवारि, 2024 माइथाय कक्राइर नोगोरनि बड'लेण्ड गेस्ट हाउसआव ब्रह्म धोराम आफादनि गावसानानै थानाय मोननै आफादखौं खौंसे खालामनानयनि थांखिजौं गुरुदेब कालीचरण ब्रह्म ट्रास्टनि आफादगिरि ७ अजित बर'खौं आफादगिरि आरो आसाम स्पर्टस एससियेसननि नेहाथारी ७ सांरां ब्रह्मखौं लिंथुमगिरि सायख'नानै 'ब्रह्म धर्म क-अर्डिनेसन कमिटि' मुनि मोनसे आफाद दनाय जायो। बिनि उनाव देगलाय 'ब्रह्म धर्म क-अर्डिनेसन कमिटि' नि बान्जायनायाव आरो बिटिआर सरकारनि मदद होनायाव (इंराजी 2024 माइथाय, 28 आरो 29 फेब्रुवारिखौं मावफुंनय जायो। दुलाराय ब्रह्म धोराम आफाद आरो दालाइ आफादफोरनि गुरुदेब कालीचरण ब्रह्मनि सानथौं आरो सानस्त्रिखौं बिथा खालामनानै हाथिनाय लामाया दिने 'महा यज्ञ' सिम सफेदों।


ब्रह्म दोहोरामनि गोथार सास्त्र बिजाब 'परम कल्याण गीता' बिजाबनि (बर') 171 बिलाइयाव लिनाय दं-इसोरजों अनजानो गोबांखौं गोमो खालामनो थाखाय सास्त्रआव हुम-यज्ञनि नेम दड। यज्ञआ गोबां रोखोमनि दड। नोंसोरनि सानफ्रोमबो मावनाय गासैबो हाबायानो हुम यज्ञ। नोंसोरनि मोदोमनाय गोथाव-गोदै मुवा अराव हुम होगासिनो आरो होहोगासिनो बेयो मोनसे देरसिन यज्ञ। बेजों बिगिनि जोबो, दुखुवा खारो, सुखु मोनो। बेजोंनो गोबां सिनि मैलाफोरा गोथार जानानै गोहो नुजाथियो आरो गियान सोमजियो। बेजोंनो सम बादिये दै जानानै जिबिखौं खाडो। बेयो मावथारनांगौ हाबा। बेखौं मावब्ला गिदिर फाफ, मावोब्ला जोबोर गाहाम। उखेनायनो आदार, गानायनो दै हो, लोरबांनो मदद होनाय, गिनायनो गोजोन्नाय, बेमारिखौं फाहामनाय, रोडैखौं फोरोंनाय, लंथनो खोबजा जि होनाय, फंसे रावजों बुडेब्ला-आंखालखौं फोजोबनायजों जिबि सेवायानो गेदेर यज्ञ, बेयावनो इसोर गोजोन्गलायो मिथिनांगोन।

ब्रह्म धोरामनि गोथार सास्त्र बिजाब 'सार नित्य क्रिया' बिजाबनि (बांला) 5 बिलाइयाव लिनाय दं-ब्रह्मआ माखौं बुडे? से सैथो आंगोयै बेरखांसारग्रा महर गैयै, महर गोनां, कारण, मिहि ग'था बायदि मुं महर दोरोद गोरों रोडै; जो-जोला जिबिफोरखौं लानानै जोबथा गैयै गावफले रोडै-जेरावबो गोसारग्रा जेनिबो गोहो गोरा आबुं महरै बेरखांसारग्रा। बेखौंनो गोहो गोरा ब्रह्म बुडे। सान सोरजिगिरिया बिनि मेगन, अखाफोरा गोसो, अखाड खर', बारआ जिउ, दैया रोदा, धुमआ बिनि आथिं। धुम, दै, अर, बार, अखां, अखाफोर आरो सान सोरजिगिरि। मोनसेल' ऊं जादों। बेखौंनो ब्रह्म गायत्री बुडे।

बे 'महा यज्ञ'आ ब्रह्म धोरामनि गोथार सास्त्र बिजाबजों गोरोंबनाय बायदि जादोंमोन। बे 'महा यज्ञ'आव नांगौ नांगौ गोदै, गोथाव, मिलोहाबनाय, दैहाबनाय मुवा बेसादफोरखौं सायख'नानै होनाय जादोंमोन। बे 'महा यज्ञ'आव हारि आरो दोहोराम बासिनाय गैयै रोजा-रोजा सुबुंफोरा बाहागो लादोंमोन। गुरुदेब कालीचरण ब्रह्मआ सुबुं समाजआव होलांनय बिहोमानि सायाव सावरायनाय हाबाफारियाव गोबां फुंखा सुबुंफोरा बाहागो लादोंमोन। बे हाबाफारिनि गेजेरजों ब्रह्म धोराम सिबियारि आइ-आफामोननि गेजेराव बांसिनै गोजोन्नायखौं लानो हादों। बुंनो थाडोब्ला- 'महा यज्ञ'आव ब्रह्म धोराम सिबियारि आइ-आफामोनहा ब्रह्म धोरामनि



थाखाय आर'ज गाबग्रा सुबुंजसो रां होनानै खावलायनांगौ जायो। बे रांजोंनो गिनिज वर्ल्ड रेकर्डआ गावनि इभेन्टफोरखौं खुडे। गिनिज वर्ल्ड रेकर्डनि बायदिब्ला गोदान रेकर्ड बिमुंनि थाखाय 5 पाउन्ट एबा 5 डलार प्लास वेट एडमिनिस्ट्रेशन फिस महरै होनांगौ जायो। बे फिसआ नन रिफान्डेबल जायो आरो गोदान रेकर्ड बिमुंनि थाखाय आर'ज गाबनाया जेब्ला गिनिजनि डेटाबेजआव बे रेकर्डआ गैया अब्लासो गनारथि जायो। बेनि अनगायै गिनिजनि डेटाबेजआव थाखानाय रेकर्डफोरनि फ्राय बांसिनै एबा बेनिफ्राय खमसिन समाव माबा मोनसे मावनानै दिन्थिनो हायोब्लासो गोदान



मुड थिसनजायो। मख'जाथावदि, गिनिज वर्ल्ड रेकर्डआ गंसे प्राइभेट कम्पनी, जाय काडानि जिम पेटिसान यूपनि बाहागो। बे कम्पनीनि ग्लबेल प्रेसिडेन्टआ एलिस्टेयारि रिसर्डस, गिनिज वर्ल्ड रेकर्ड कम्पनीया रेकर्ड थिसन्यानि अनगायै बिजाबफोरखौं फानो। टेलिभिजन लाइसेन्सिनि खामानि मावो, मार्सेन्डाइज कर्परट कन्साल्टेन्सि, रेकर्ड भेरिफिकेशन सार्थिस आरो स्पन्सरसिप बायदि खामानिफोरखौं मावो। बेफोर खामानिनि गेजेरजोंनो बे खामानिया रां आरजियो। लोगोसेनो माखासे गोबां रांफोरजों प्रमशनेल पार्टनरसिपनि गेजेरजोंनो रांखान्थि आरजियो।□

ड'गां गोथार सास्त्र बिजाबाव लिनाय बायदि-इसोरनि गोजोन्नाय, गोबां फोथानो थाखाय सास्त्रआव यज्ञनि खान्थि आरो बिधि, बे गोथार हाबाखौं मावनो खाबु मोनदों। गाहाइ यज्ञ आरो गेदेर मोननैबो यज्ञआ गाहामै जाफुंसार जादों। आथुमब्रै जीउ जिबिखौं समानै अननाय, खानाय सानस्त्रिजों मुलुगनि गोजोन्नि गाहाम हाबाखौं मावनानयनि खाबु मोनदों। ब्रह्म धोराम सिबियारिफोरनि गेजेराव गावजों-गाव अनलायनो, मान होलायनो खाबु मोनदों। मोननै ब्रह्म धोराम आफादआ गावसानानयनिफ्राय गोरोंबफिननायनि लामा मोनदों। बयबो सिमान लानाया गोनांदि- गुरुदेबनि समाव 1906 माइथायाव पर्वतझरा हालामनि 'बेनागुरी' गामियाव फ्रि सान आरो फ्रि 16 मन धिउजों सैथि देरसिन 'अखण्ड यज्ञ' होनायनि उनाव ब्रह्म धोरामनि जादिमिनाव बे 'महा यज्ञ' आनो नैथि देरसिन मुलुग गोजोन्नि यज्ञ एबा 'महा यज्ञ'। इसोरनि अननायाव बे नैथि जादिमिनारि 'महा यज्ञ'आ जेबो निदान खैफोद जायालासे जाफुंसार जालांनय। धोराम सिबियारि आइ-आफामोनहा जेरे फेदों एरैनो गाव गावनि न'-न'आव सैहजेबोनो हाबाय। सैथो बाश्राखौं सिमान जानांगोन बेफोर गासिबो आथिखालनि बिटिआर सरकारनि अननाय आरो पुर्ण परब्रह्म ज्योति स्वरुप जीउमा गुरुनि। बिनि थाखाय खुगाजों बाखायनो राव गैया। नाथाय थेवबो गासै ब्रह्म धोराम सिबियारि आइ-आफामोननि जानानै आरो दुलाराय ब्रह्म धोराम आफाद'नि जानानै बिटिआरनि गाहाइ मावफुं सोद्रोमा प्रमोद बर', आसामनि गिबि मन्थि ७ हिमन्त विश्व शर्मा, आसाम एसेमब्लिनि बुंथिगिरि बिस्वजित दैमारी, आसामनि मन्थि उखाव गोरा ब्रह्म, आसामनि मन्थि ७ रनज पेगु, राइजो सभानि एमपि रोनगोरा नाजिर्, माखासे एम एल ए, इ एम, एमसिएलए आरो बाहागो लानो हानाय गासैबो गेदेमा बिथांमोननिसिम साबायख'र जासिबाय।

बे 'महा यज्ञ'नि हाबाफारिया बाहागो लानो हानाय 'दुलाराय ब्रह्म धोराम फोसावदिं आफाद'नि गाहाइ फोसावगिरि-मनरन्जन ब्रह्म आफा आरो 'स्वरुप त्तिथि प्रचार संसद' अधिनायक-रमेच चन्द्र ब्रह्म आफामोनजों लोगोसे सायख'जानाय फोसावगिरि, गासैबो अधिसदाता, गुबुन गुबुन आफादफोरनि दैदैगिरि, बिबानगिरि, गोसो गुदु उन्दै-गेदेर साग्रां मावथि आरो बयबो राइजो-राजानि नाजानायजों जाफुंसार जाबाय। बिनि थाखाय बयनिसिमबो 'दुलाराय ब्रह्म धोराम आफाद'नि जानानै साबायख'र जासिबाय।

बे बायदिनो गुरुदेब कालिचरण ब्रह्मनि सानथौं आरो सानस्त्रिखौं गोजौंआव लानो थाखाय धोराम बासिनाय गैयै साफ्रोमबो बर' राइजो-राजाफोरनि बायदि रोखोमनि हेफाजाब नांगोन। साननाय-हनाय, मावनाय-दंनय सोरखौंबा नागरानानै नड। उन्दै-गेदेर, गोरों-रोडै बयखौंबो लानानैसो मावनो लानाय गासैबो हाबाफारिया जाफुंसार जागोन। गुरुदेब कालीचरण ब्रह्मनि सानथौं आरो सानस्त्रिखौं बिथा खालामनानै हाथिनांगौ लामाया आरोबाव गोलाव दंवावो। जानो हागौ जुग-जुग बोसोर हाथिनांगोन। बेनिखायनो मावथि आरो बिबानगिरिफोरा माखौंबा दोनखोमाया लासे दाय गोरोंथि गासिखौंबो निमाहा होलायनानै, गासैबो बाश्राफोरखौं सिगांआव दोनानै, सैथोजों हाबा मावनांगोन। अब्लासो मावनो लानाय गासैबो हाबाफारिया जाफुंसार जागोन। गुरुदेबनि बोसोनखौंबो फालिनाय जागोन।

जोबथारनायाव जुनिययै बे 'महा यज्ञ'आव धोरामखौं मोजां मोननानै धोनि-गोरिब बयबो गोसो जानानै गाव-गावनि सिफिनि गरसे-गरनै रांखौं बाहायनानै गुबुन गुबुन जायगानिफ्राय बाहागो लाफेनो हानाय गासै धोराम सिबियारि आइ-आफामोनसिम 'दुलाराय ब्रह्म धोराम आफाद'नि जानानै खुलुमनाय जासिबाय।

ॐ शान्ति! ॐ शान्ति! ॐ शान्ति !!!

रंजालि गथ'फोरनि सौरा

टेद्राकटिस खन्थाइ

दे
आगै
गावारि
जिउ बिथुनखो
लाना रेबनायाबो गोदै जायो

दे
आगै
बिदिनो
सुबुं जिउवा
सुखारु दुखारुनि बोहैथि

दे
आगै
बिदिनो
रेबबाय थादो
सुखु दुखुनि गेजेरावबाबो

नों
आगै
बादिनो
गोबां दंसै
दुखुनि लैथोयाव थब्ल'नांनय

नों
गावखौं
लोरबांथि
लानो नाड
आंल'सो दुखारु जिउ होननानै

-रैदोम बर',
माजदिद्या, बगुलामारि,
बाक्सा

आंनि सानस्त्रि

खेफोरथि गोयै स्लगानाव
लाहाखि जानानाय सोदोबफोरा
नोरजिया खालामो दाख्लासे बिखा
उसिफावनाय फुंखायाव
हाबु गोरसावो

गाव गोयै नख्रांनि
जायखलं साजायनाया
सानजों थगाय जायो
सिखोमाजानाय गाव
फुरगेव महर मोनखाडो

सोरखिहायै बेंगुरा सोरांआ
गलाम जानाडो अम्बासिनि
दिन्दै जायो गोसारथिफ्रा
मिज्जलौं जानाय अर
दिन्थि हरो हुमाव-माव दोंसे लामा।

-अभिजित बसुमतारि
बाक्सा

'लांगोना सेराव'

लांगोना सेरावनि बिफां सायाव
दुब्रि हाग्रा लेमस्रो लेमस्रो सायाव
जिरायना थानाया हाबाब। सैनाय
नों सोर जाखो?
थानायनि फैनयनि नुबाय थायो आं
नोंखौं ज'बाय थानाय।
सोरंफा माफानो नुयो आं नोंखौं
लांगोना सेरनि बिफां सायाव;
दुब्रि हाग्राखौं मोनगु होलायनाइ
सैनाय नों सोर जाखो!
दाउखौंओ गाबफेदों बिफांनि दालायाव
बानानै। गोदान रादाब दंनामा
सैनाय नोंहा सोरबा जोहोलावनो खौंरां होनो?
मानोथो थाबाय थादों नों हारसिडै;
राव गैया फंसेबो मिनिनाय गैया नॉनि
गुस्थिआव, हाबाब ! सैनाय नों सोर जाखो ?
जयमती, गाम्बारि सिख्ला, सिता
आरो हादर अनफावरि बेलस्री
सिख्ला बायदि नड नों। हाबाब!
सैनाय नों सोर जाखो... ?
महरा बिनि सोमजोत्रो नारें सु
गन्धं, मेवा आदैं, थब्ल देस्थानि
आखाय, दाउखा बिदैं खानाय,
मोज्जाइ जान्जि हाबाब। सैनाय
नों माइया आइजो नड थ... ?

मुश्री बिसनाथ मुसाहारी
ला:सो:- मालि पारा
जिला- बिजनी चिरां

जावैसोनो माइब्रा रोसि

जावैसोनो फिनानै दोत्राय
माइब्रा रोसिया एम्फो जाबाय,
थारल्ला बोसोर से खावसे जाथारबाय
जावैसोनि थाखाय फिनानै
दोत्राय माइब्रा बिदैया।

आं खुदै मन'थाव मन'थाव
दंथारो थेवब्लाबो गर'दसेबो
साखिफेरथाराखै आं,
जावैसोनो फिनाने माइब्रा बिदैंखौं
मोदोमदों सिनि दैहाबनाय बायदि
आमथा-आमथा गोदैनो।

सोनानै दोनखादों आं ब'खा
आरो दोनबावदोंसो नैजि
बोसोर सिगांनि बागसुआव,
सिबाइ
बोइआ ओरै ख'ना
ओरै ख'ना नागिरसोगारो
आं बिनो खिन्थागोन दाबि।

जावैसो स'ना फिथरनो
दोनखानाय माइब्रा रोसिखौं,
फैग्रो मोना खुरै क'नश्रायाव
लोंहोनानै सानैजों खें
मोसागोन सानना दंखुमायो आं।

-मनिक्का गयारि
गोदान देलहावसि,
गहपुर

गोसो गोहो

अरायबो लासै जौगानायनि गोखैथिया
गेदेर हाबाखौं जायखि जाया
हाया मावनो हाखु दाखु

दावबायना दावसेयाव थानो बबेयावबा
सानोब्ला जेरैहाय आगानसेयैसो आवगायहायो
थिग बिदियै जौगानायनि लामायावबो

जौगानाय खालामनो जिउआव सहायनायनि
उनावनो गोनां जाय जिरादिनि
बेनो जादों गोसो गोहो।

-सबिराम बर'
राबां, बागसा

सिरिनाय बिबारनि मोदोमनाय

आलायारनि सोरांजों दैदेन जानाय सोलेराव
गोसोनि हाबिलाया दैहुनि महर लायोब्ला
आबिब सारफावनाय बुब्लिया मोदानफबो।

बिबार बिथ'राइया बजबना लागोन
होयोब्ला थुलुंगाथाव रैसुमै गोरबोनि बिहोमा,
बिदिन्थानि फाखनाव बायदि देखो रिंखांगोन
मुहिहोनाय गोहोआ सानश्र'हायै बांगोन।

रैरुब सोलेराव सुजुनाय जायखलं सिमांफोरा
जुरिजेननो लानाय थासारियाव नेवसिजायोब्ला,
सिमना गैयि सुथुरनि साग्लोबसारनाया
असुर फोलेरनि मायाजों नासयजागोन।

दैमु जाना बोहैबाय थानाय बुब्लिखौं
अगेन आखुनि खैसाराव गब'होनो नाजायोब्ला,
अखोरानि जोमै दाखाया बुहुमाव
अखा जाना सिरिगोन जेबोला
दैथुन जाना बियो सानसे मुरुलांफिनगोन।

सैथो आरो सहायनाय गोसोजों
हाथिनाय लामानि मोन्दांथिया गोथार,
सिरिनाय बिबारनि मोदोमनायबादिनो
सानसुमै गोहोआ बिनि जोबरोडै।

-निजोम बर'
पशिसम पानेरि, अदालगुरि

कुरबाहा गोजौ फरायसालियाव बारग' फरायसा लोगोयारि जथुम खुंदौ

भवानिपुर, 18 मार्च: भवानिपुरनि साखाथि थानाय कुरबाहा गोजौ फरायसालियाव थानाय 1992 माइथायनि गोजौ फरायसालि मेट्रिक आन्जाद होनाय फरायसाफोरनि लोगोयारि जथुमआ खुंनाया बायदि हाबाफारिजों मैया रंबिबारखालि थुंगोलाबाय। कुरबाहा गोजौ फरायसालियाव सानसेनि हाबाफारिजों खुंनाय बे बारग' फरायसाफोरनि लोगोयारि जथुममाखौ फरायसालिनि गाहाइ फोरिंगिरी धरिनि दासआ फिर्फिला बिरहोनानै बेखेवना होयो। बेनि उनावनो गोसोखां मान बाउनाय



हाबाफारिखौ बेखेवना होयो फरायसालिनि बारग' फोरिंगिरी फोरिंगिरी जगन्नाथ तालुकदारनि साम्लायनायाव खुंनाय लोगोयारि जथुममा नि मेलयाव बारग'

गोनांदि, कुरबाहा गोजौ फरायसालिनि बारग' गाहाइ फोरिंगिरी जगन्नाथ तालुकदारनि साम्लायनायाव खुंनाय लोगोयारि जथुममा नि मेलयाव बारग'

फरायसाफोरा गावसोरनि फरायसालियाव फरायबाय थानाय सानखौ गोसोखानानै सावरयलायो। बारग' फरायसा प्रनब (मुनुल) डेकाआ

सामलायनाय बारग' फरायसाफोरनि जथुममायाव कुरबाहा गोजौ फरायसालिनि माखासे बारग' आओ आधिखालि फोरिंगिरीफोरखौ बराय मान बाउनाय जादों। बारग' फरायसाफोरनि लोगोयारि जथुम खुंनायाव जुथायै बोथिसे आदार जाखांनायनि उनावनो सावायख' र बाउनाय हाबाफारियाव इयुन बोसोरफोरवबो बारग' फरायसा जथुम खुंनायनि जुथाय थोखि आजावनानै सोलिफु बोसोरनि बारग' फरायसा लोगोयारि जथुमआ जाफुंसारे थुंगोयो

(1 बिलाइनिफ्राय)

(1 बिलाइनिफ्राय)

भारत-पाकिस्तान दावहानि समाव दावहारु महरै बिफाव लाबोनाय ददिराम बर'आ रुंसारि जाबाय

जादोंमोन आओ 1989 माइथायाव सखिनिफ्राय आजरा लादोंमोन। मख'नो गोनांदि, रुंसारि ददिराम बर'आ 1971 माइथायाव सोमजिनाय भारत-पाकिस्तान दावहानि समाव भारतीय रैनिया बिफाननि सासे दावहारु महरै बिफाव लादोंमोन। रुंसारि ददिराम बर'नि फंवायआ फोरमायनाय बायदिब्ला, ददिराम बर'आ भारत-पाकिस्तान दावहानि समाव पाकिस्ताननि गुजरात जोबथेसालियाव 1 बोसोर समनि थाखाय जोबथेनानै दोनजादोंमोन। उनाव बिसोरखौ 1971 माइथायनि डिसेम्बर दाननिफ्राय 1972 माइथायनि नभेम्बर दानसिम पाकिस्ताननि लालपुर जिल्लायाव लाबोदोंमोन। उनाव बिथांखौ भारत-पाकिस्तान सिमाना ओन्सोल आतारि-वागा गेटआव जोबथेसालिनिफ्राय हगारो आओ गोबां रैनिया सान्थिफोर बिथांखौ बरायनानै भारतनि अमृतचरआव थानाय मोनसे रैनिया बादायाव दोनफेयो। भारत-पाकिस्तान दावहानि समाव बिथांनि बिफावखौ मान होनांनि थानाय 2022 ई माइथायनि 23 एपिलिफरि आधिखालि मिमनि रेखाथि मन्थि रजनाथ सिंआ गुवाहाटीआव दावहारु ददिराम बर'खौ हादतनि सनाथि देहासाद बोसोर फालिनायाव बरायदोंमोन। रैनिया बिफाननिफ्राय आजरा लानायनि उनाव ददिराम बर'आ बक' जिल्ला नि बगदाबारि गामियाव थानाय गावनि आंगो न'आव फैंफिनो आओ बक' ओन्सोलनि समाज जौगानायनि थाखाय खामानि मानानानै बक' हालामआव गावखौनो सासे मुंदंखा समाजआरि मावथि महरै फंसो होयो। बिथांनि गोथै देहाखौ जोबथा बिदाय होनायाव बक' हालामनि गुबुन गुबुन आफाद गौथुमफोर जैरै- बगदाबारि गामि जौगाखां आफाद, बक' रिजनेल रिटयार्ट सलजार एस'सिएसन, बक' गाव पन्चायट क'-अपारिबि ससाइटि, कामरुप जिल्ला बर' थुनलाइ आफाद, बक'-बनगाव बर' जाती परिषद आओ गुबुन गुबुन आफादफोरनि दैदेनगिरिफोर दुखुथिया नख'रआव नुजाथिहेनानै जोबथा मान बाउहेदों। बेखौबो मख'नो गोनांदि, रुंसारि ददिराम बर'आ बक' रिजनेल रिटयार्ट सलजार एस'सिएसननि गायसनगिबि आफादगिरि, बक'-बनगाव बर' जाती परिषदिनि लेडाइ आफादगिरि, बगदाबारि गामि जौगाखां आफादनि आफादगिरि, ट्राइबल क'-अपारिबि ससाइटिनि गायसनगिबि आफादगिरि आओ गाव-पन्चायट क'-अपारिबि ससाइटि एजेन्ट एस'सिएसननिबो गायसनगिबि आफादगिरिमोन। बिथांनि नख'रनि सोद्रामाफोरा फोरमायनाय बायदिब्ला, रुंसारि ददिराम बर'आ थानाय माखासे सानफोर सिगानिफ्राय गोत्राब लोमजानायनि जाहोनाव बिथांखौ गुवाहाटी बसिस्टआव थानाय आर्मि हस्पतालआव थिसनहेदोंमोन आओ उनाव बिथांखौ साबसिन फाहामथायनि थाखाय गंसे प्राइभेट देहा फाहामसालियाव थिसनहेदोंमोनब्लाबो नाथाय बिथाड गावनि सानै फिसान्जा, सानै फिसाजो, सानै बिहामजो, सानै बिजागामदें आओ स सिं फिसौन्जा-फिसौजोफोरखौ लोगोसे नख'रनि गासै सोद्रामा आओ गावनि आंगोफोरखौ नागारलाडो

एन डि ए जुथाय हान्जानि दैदेनगिरि आफादनि...

रैखाथि होनाय, गोजोन आबहावनि गेजेराव एनडिए सरकारनि दैदेनायाव मोजां खुंथायनि रहाखौ रडजो-रजाफोर खोमानो नागिर। बेनिग्यायो जुथाय हान्जाया जेसेबां भट मोनगोन बेनि खावसेनि खावसे भटखौ गुबुन दोलोया मोनगोन होनानै बिथाड दाबि खालामो। लोगोसे जुथाय हान्जानि बिजाथि जयन्त बसुमतारिआ गोबां भटखौ देरहागोन होनानै प्रमद बर'आ बुडे। बेनि अनगाथेबो 2019 माइथायनि लक सभा बिसायख'थियाव बिपिएफ दोलोनफ्राय प्रमिला रानी ब्रह्मआ केबिनेट मेन्थि थानायनि उनावबो जेनादोंमोन। बे खेबाव बिसोरनि बिजाथि खाम्फा बरायारीआ थानाय बिटिसि बिसायख'थियाव जेनांनय बिजाथिया लक सभा बियाबआव देरहानया जाथावना बाश्रा नडा। बेनिखायनो इडपिएल दोलोन बिजाथि जयन्त बसुमतारिआ गोबां भटखौ देरहानानै नरेन्द्र मदिनि दैदेनायाव थामथिखेबनि थाखाय गाहाइ मन्थि महरै सरकार दानायनि बिधिखव गोत्रों बिफाव लागोन होनानै बिथाड दाबि खालामो। गुबुन फारसेथि, बिजेपि दोलोन मन्थि रजित कुमार दासआ बुडेदि, बिजेपिआ सिबिथयनि थाखायसो गोहोयाव फेयो खुंनायनि थाखाय गोहोयाव फेया होना फोरमायनानै जुथाय हान्जानि बिजाथि जयन्त बसुमतारिखौ गोबां भटखै देहा होनो थाखाय मावथिफोरखौ खवलायहरो। नरेन्द्र मदिनि दैदेनायाव दाफु जनाय सरकारआ हादतनि रंखाथिथयारि जौगाथायजो सोलायनो लाबोनो हादों, बे बायदिनो आसामआव हिमन्त बिश्व शर्मा दैदेनाय सरकार आओ बिटिआरआव प्रमद बर' दैदेनाय सरकार गोजोन गायसनया आओ जौगानाय लाबोनो हादों। बिटिआरनि रडजो-रजाफोरा खाफाल मोजांदि बिटिआरआव बिजेपि, इडपिएल आओ जिएसपिनि मोनथान इन्जिननि सरकार सोलिबाय थानायनि जाउनाव गोबां सोलायनाय फेनो हादों। जायफोर दासिमबो बिथांखिनिफ्राय जानागारव थानादों बिसोरनि मुंफोरखौ बुथुमनो मावथिफोरनो बिथोन होनाय जादों होनानै मन्थि दासआ फोरमायो। गुबुन फारसेथि एनडिए दोलोन बिजाथि महरै सायख'नायनि थाखाय साबायख'र जासिहरनानै 70 जौखोन्दो भट मोनानै दोरहासारगोन होनानै जयन्त बसुमतारिआ बुडे। दिनेनि बे बिसायख'नथिनि दैदेनगिरि आफादनि मावखुलि बेखेवनाय हाबाफारियाव रडज्योनि केबिनेट मन्थि उखाव गोर ब्रह्म, रडज्यो सभानि एमपि रोनागोरा नाजरी, एमएलए लरेन्स इस्लारीजों लोगोसे गोबां दैदेनगिरिफोर बाहगो लायो

आफगानिस्तानि रौनिया हान्जानि गाग्लोनायाव गासै सा 8 सुबुनि जिउ ख हा

वजीरिस्ताननि माखासे ओन्सोलफोरवा जादोंमोन। बेयाव सासे उतरखारि बिथोनगिरिजों लोगोसे सा 8 सुबुंफोर बुथारजादों। बे जाथायखौ पाकिस्ताननि खौरं बिलाइ 'डि डन'आ आफगान सरकारनि बुथिगिरि जबीउल्लाह मुजाहिदखौ मख'नानै फोरमायदोंमोन। मुजाहिदआ बुंदोंमोन- रंबिबार आओ समबरनि बेलासिनि 3 रिंगाओआव खोस्त आओ पकतिक ओन्सोलफोरवा पाकिस्ताननि अखां सान्थिनि फाइटर जेटफोरा बमा बेरहोदोंमोन। बे ओन्सोला सरसनसा सुबुंफोर थारा जायगामोन। बे जाथायाव गासै सा 8 सुबुंफोरनि जिउ गोमायो। पाकिस्ताना सरसनसा आफगानफोरखौ नोजोर होदों। बुथारजानायफोरनि गेजेराव आइजोफोर आओ गथ'साफोरबो दंमोन। थानाय शनिबारआव पाकिस्तानि साहा वजीरिस्तान ओन्सोलाव उतरखारिफोरनि गाग्लोनायाव जाथाय सोमजिदोंमोन। बेयाव सानै रौनिया बिबानगिरिफोरा जिउ गोमादोंमोन। हाफिज गुल बाहादुर हान्जाया शनिवारनि गाग्लोनायनि बिबान लादोंमोन। बनि उनाव, पाकिस्ताननि रौनियाफोरा बुंदोंमोनिद, बे हान्जाया आफगानिस्तानाव आश्रय लायो आओ सिमा बारनानै पाकिस्तानाव गाग्लोबफेयो। बनि उनाव, उतरखारिफोरा फिन आफगानिस्ताननि खोस्त ओन्सोलाव थाखोमायो। तालिबान सरकारनि बुथिगिरि मुजाहिदआ ससियेल मेडियायाव बुंदोंदि, पाकिस्ताना बुंगासिनोदि बिसोरो उतरखारि अडुल्ला शाहखौ नोजोर होनानै गाग्लोबदोंमोन। शाहया पाकिस्तानाव थायो। जों बेफोर गाग्लोनायाखौ सॉखारिदों आओ पाकिस्ताननो खोन्थानो लुबैयोदि भेयो आफगानिस्ताननि उदास्तिन सायाव गाग्लोनायाव पाकिस्तान दानो जोंखै दायनिगिरि खालामनायखौ बन्द खालामोब्ला साबसिन जागोन। बिसोरो गावसोरनि फेलैनि थाखाय आफगानिस्ताननखो दायनिगिरि खालामनो लुबैयो। गुबुन फारसेथि, बावैसो सिगां पाकिस्ताननि बायजोआरि मन्थि बिफाननि माखासे मावख'गिरिफोरा काबुल थादोंमोन आओ बिसोरो बैयाव तालिबान दैदेनगिरिफोरजों रायज्ज्यायदोंमोन

कर्नाटकनि सुबुंफोरखौ लक सभा बिसायख'थिआव ..

फाथिनयनि ओंथिया मा। रंबिबारखालि मुम्बाइआव कंग्रेसनि भारत जोडे न्याय यात्रानि जोबनाय फोबोंआव बिबुंथि होनायनि उनाव राहुलखौ थाखिनानै गाहाय मन्थिआ गाग्लोबो, जेराव बिथाड बिजेपिखौ मोनसे गोहोनों रुजुदोंमोन जाय मोनसे गिथावना खालामग्र। कंग्रेसआ ओरैबायदि मोनसे दोलो, जाय गोहो मोननो थाखाय जायखि-जाया थाखोसिम थंगोन। इंजफोर नागाबय, नाथाय कंग्रेसआ गावसानाय आओ सासन खालामनाय इंगजफोरनि सानसिखौ नागारखै। कंग्रेसआ गिबियाव हारिखौ बिथा खालामनानै हादतखौ बोखावदोंमोन, हारिनि सायाव बिथा खालामनानै धोरिम, ओन्सोल आओ रावनि सायाव बिथा खालामनाय सुबुंफोर आओ गोहो मोननो थाखाय कंग्रेसआवो हादतखौ बोखावदोंमोन, नाथाय थेवब्लाबो, कंग्रेसआ गावसोरनि बोखावनाय सानसिजों गोजोननाय मोनाखै।

गसाइगाव फरायसालिमाआव एसएसबिआ फेग्रा मुवा--...

सांग्रांथियारि हाबाफारि खुंनाय जायो। गसाइगाव महकुमानि मातियाजुरिआव थानाय एसएसबिनि 31 नं बेटेलियननि बान्जानयाव खुंनाय बे सांग्रांथियारि हाबाफारियाव फरायसारि आओ फरायसालिमानि फरायसाफोरखौ फेग्रा मुवा-बेसादफोर मा बायदिथै सासे फरायसा एवा सुबुंनि जिउखौ फोजोबखानायजों लोगोसे समाजखौ गात्रि खालामो बेनि सोमोन्दै सांग्रांथि लाबोनो नाजायो। बे हाबाफारियाव एसएसबिनि लेडाइ कामान्धार प्राग सतुर्वेदिआ बाहागो लानानै फरायसाफोरखौ फेग्रा मुवा-बेसाद बाहायोब्ला समाजआव खहा लाबोनायजों लोगोसे देहायारि, मेलेमारि बायदि गासैबो बिधिडव खहा जानायजों लोगोसे इयुन जिउआ जोबसां लाडो होना फोरमायनानै फेग्रा मुवा-बेसादनिफ्राय जानगाराव थानानै मोजां जिउ दाफुनानै मोनसे गोगो समाज दाफुनो थाखायबो फरायसाफोरखौ खवलायहरो। गुबुन फारसेथि, बे हाबाफारिजों लोब्बा लाखिनानै बिबानगिरिआ फरायसाफोरखौ रेखाथि हान्जायाव हावनानै हादत सिबिनो थाखायबो बिथाड खवलायहरो। बे हाबाफारियाव गसाइगाव फरायसालिमानि सा 130 फरायसाफोरखों प्रफेसारफोरबो बाहागो लायो

मानासयाव गान्दाया दावबायारिनि गारियाव गिखंथावयै गाग्लोबदों

सालायगिरिआ हरखाबै गान्दानि गाग्लोबनायनिफ्राय दावबायारिनि हान्जाखौ रेखाथि गोनां जायगामिम लानानै थाडे। दावबायारिनि हान्जायाव माखासे आइजोफोर दडमोन होना सुलडव फोरमायदों। मख'नो गोनांदि, थानाय माखासे सान नाडै दावबायारिफोर मानास माहारियारि पार्कनि बासबारि हाग्रा ओन्सोलआव खेबले-खेबले गान्दानि गाग्लोबनायजों मोगा-मोगि जानांदों।

सर्तैबारिनि भारती आध्यायन चक्रनि हेफाजाबाव आसाम...

अन्सायजानाय सल'मागिरि हिदेश डेकानि जोनोम जौथाय बोसोरारि हाबाफारि खुंदों। जोनोम जौथाय बोसोरारिखौ लोब्बा लानानै 16 मार्च अक्टखालि गोदान जोलेनि हौवास-हिन्जावसानि गेजेराव सोनाय-फिन्याय, खन्थाइ आवरायनाय, रन्साय बादायलायनाय हाबाफारि खुंदों। जायनि उनाव हाबाफारि बायदिथै 17 मार्च अक्टखालि आसाम साहित्य सभानि गाहाइ नेहाथारि डे उपेन्द्रजित शर्मा आओ भारतीय अध्यायन चक्रनि नेहाथारि गुन्जित चौधुरीमोनाह सामलायनाय हाबाफारियाव आसाम साहित्य सभानि फिरीफलाखौ बिहोयो भारतीय अध्यायन चक्रनि आफादगिरि कगेन्द्रनाथ भुजया, गोसोखां मान बाउनाय हाबाफारिखौ जागायजेनो आसाम साहित्य सभानि सर्तैबारि जथुममा नि बारग' गाहाइ नेहाथारि कुल रन्जन भुजया। थुनलाइगिरि हिदेश डेकानि सावगारियाव बिबार मान बाउयो आओ आलारि बाथि फोजोडे खौरंगिरि पेन्सनर मृनाल मल्ल पाटवारिआ। सोलौंथायगिरि चन्द्रमहन शर्मानि सावगारियाव आलारि बाथि फोजोंनाय आओ बिबार मान बाउयो गुवाहाटी मुलुग सोलौंसालिनि आजरि मोन्याय बिबुंगिरि डे उमेश डेकाया। फुनि 10:00 रिगानिफ्राय दैंखो मोसानाय-मुसुरारि, खन्थाइ फरायथिनाय हाबाफारिखौ खुंनाय जादों, बे हाबाफारिखौ चक्रेशर डेकाया सामलायदों। जायनि उनाव साननि 12:00 रिगानिफ्राय आसाम साहित्य सभानि लेडाइ आफादगिरि डः गिरीस सिन्दिकेनि आफादगिरि मासि सामलायनायाव गेवलां मेल खुंनाय जायो। गुबुन फारसे हाबाफारिखौ लोब्बा लानानै खुंनाय रन्साय, खन्थाइ आवरायनाय, सोनाय-फिन्याय बायदि बादायलायनायफोरनि देहानायफोरनो बान्था गथायनाय जायो। हाबाफारिखौ भारती अध्यायन चक्रनि नेहाथारि गुन्जित चौधुरीआ। मेलयाव आसाम साहित्य सभानि बिबानगिरिफोर फारिथै- गिबिन्द कलित, समर तालुकदार, ध्रुवज्यति शर्मा, नयनमनि चौधुरी, हेमन्त कलित, प्रमद डेका, नलवारिजिल्ला साहित्य सभानि नेहाथारि पंकश बेजबरवामोनजों लोगोसे गासै बाजौनिखुडि बांझि सुबुंफोर बाहागो लादों

एबसुआ बर' राव फोरोंनायनि थाखाय फोरोंगिरि..

फरायसा आफादआ फोसावबाय। कर्राझार बागानसालियाव थानाय दुलाराय बर' फरायसा आफादनि मिरु मावख' बड'फा हाउसआव दिने मिरु एबसुनि लोगो गाहाइ नेहाथारि दिदेश ब्रह्म आओ सोलौंथाइ नेहाथारि सोमावसार बसुमतारिआ मोनसे खौरंगिरि मेल खुंनायनि गेजेरजों बर' राव फोरोंगिरि मोगा-मोगि सायख' आन्जादनि फिथाइखौ फोसावनानै होयो। दुलाराय बर' फरायसा आफादनि बान्जायनायाव आसामनि गुबुन गुबुन जिल्लाफोरव बर' राव रायज्ज्यायनो रोडे बर'फोरखौ बर' राव फोरोंनो 6 दाननि थिसन्थाय होनायनि थाखाय सायख'जानाय बिजाथिफोरनि गेजेराव गासै सा 29 बिजाथिफोरा सायख'जादों। सायख'जानाय बिजाथिफोरनि गेजेराव डड' फारिथै- शराइडेड जिल्लानि जालाह बेतिज्ञान आन्सलिकनि मिरुआव सिबिका सर्गियारि आओ ललिता लाहारि, हजाइ जिल्लानि मदरतलि मिरुआव मनालिशार बर' आओ पुलेश्वरि बसुमतारि, डिबुगड जिल्लानि कछारिपताराव मिरुआव गाइत्रि मुसाहारि आओ सुनिता बारसामुवा, सनितपुर जिल्लानि धेकिहल मिरुआव दिब्बा रानी बसुमतारि आओ प्रियंका दैमारि, सनितपुर जिल्लानि बान्दरमारि मिरुआव दलि बर' आओ प्रियंका बसुमतारि, गलाघाट जिल्लानि बरबलिआव सबिता बर' आओ चन्द्रमुकि बर', गलाघाट जिल्लानि सुंगाज्ञानआव देवजित खाख्तारि आओ तिलक चन्द्र बसुमतारि, खोला कामरुप जिल्लानि बामुनिगाव गोजौ फरायसालि मिरुआव केशव नाजरी आओ रिमा बर', खोला कामरुप जिल्लानि बक' जिल्ला गाहाइ मावखुलियाव पल्लबि खाख्तारि आओ सुमि दैमारि, नगाव जिल्लानि कातियातलि कछारिगाव एल्पि स्कुलआव मिथिंगा बसुमतारि आओ किरेन्द्र बसुमतारि, नगाव जिल्लानि कुमारपार कछारिगाव रंहामन्ध'आव बिबारि बर' आओ जुनमनि बर', लक्षिमपुर जिल्लानि नारायणपुरआव किस्मा बसुमतारि आओ हासिमा मुसाहारि, गुवाहाटीनि बाथोपुरियाव मिरमाया बर' आओ जुनमनि बर', बिस्वनाथ जिल्लानि कारिबिल गुदि फरायसालियाव सुनरानी रमचिचारीखौ बर' राव फोरोंगिरि महर् सायख'नाय जायो। सायख'जानाय बिसोर गासै सा 29 बर' राव फोरोंगिरिफोरखौ दुलाराय बर' फरायसा आफादआ दान बान्था होनानै 6 दाननि थाखाय थिसन्थाय होनाय जागोन। सायख'जानाय गासै बिजाथिफोरनिमिम गाहाम हामब्लायथि जासिनायजों लोगोसे हारिनि राव आओ थुनलाइखौ फोथानानै लाखिनाय आओ गोसार होनायनि सार्थआव बर' रोडे सुबुंफोरखौ बर' राव फोरोंनायाव गोसो होनानै फोरोंना दुलाराय बर' फरायसा आफादनि थांखि लानायखौ जाफुंसार होनो थाखाय दुलाराय बर' फरायसा आफादनि लोगो गाहाइ नेहाथारि दिदेश ब्रह्मआ खवलायो आओ एबसुनि बे मावथांखिखौ जाफुंसार होनायाव साफ्रोमबो रडजो-रजाफोरखौ हेफाजाब खालामनो थाखाय खवलायहरोदों

बड'फा उपेन्द्रनाथ ब्रह्मनि जोनोम सानखौ ...

जादों। बड'फा उपेन्द्रनाथ ब्रह्मनि बे गोथार जोनोम सानखौ फालिनो लानाय जायगा दतमा थुलुंगापुरियाव दिने मिरु एबसुनि लेडाइ आफादगिरि खोरोमदाव औवारि आओ गाहाइ नेहाथारि कनिन्द्र बसुमतारिमोननि दैदेनाय मोनसे हान्जाया नायगिदिहेयो। दतमा थुलुंगापुरियाव नायगिदि हेनानै एबसुनि गाहाइ नेहाथारि कनिन्द्र बसुमतारिआ फेग्रा 31 मार्चखालि बड'फा उपेन्द्रनाथ ब्रह्मनि जोनोम सान फालिनो लानायनि बाय'खौरं बिजॉनि वेरजों रेखाथै फोरमायथियो। बिथाड फोरमायदीदि, सिगो बोसोरफोर फालिबोनाय बायदिनो दुलाराय बर' फरायसा आफादआ बे खेबआवबो बड'फा उपेन्द्रनाथ ब्रह्मनि जोनोम सानखौ मेहेरगोनाडै फालिनो थाखाय थांखि लानाय जादों। बे हाबाफारियाव जर'खा आलासि महरै महाराष्ट्रनि सासे गागि खौरंगिरि रुपा सिनाइ बिथांखौ हंग्रायनाय जादों। जाय खौरंगिरिआ बड'फा उपेन्द्रनाथ ब्रह्मनि दैदेनायाव आलादा बड'लेन्ड रडज्यो सोमावसारनायखौ दुलाराय हादतनि गेजेराव खौरंबिजॉनि गेजेरजों मिथिसार जानायाव मैखोम बिफाव लादोंमोन। बे हाबाफारियावनो जायगानि गोबां दैदेनगिरि, मेलेम जिबि सानसुमै आओ बड'लेन्ड सोमावसारनायजों लोब्बा थाफानाय दैदेनगिरिफोरखौबो हंग्रायनाय जादों होनानै एबसुनि गाहाइ नेहाथारिआ फोरमायदों। बेनिखायनो सानसेनि हाबाफारिजों खुंनो लानाय बड'फा उपेन्द्रनाथ ब्रह्मनि जोनोम सान फालिनायखौ जाफुंसार होफेनो थाखाय साफ्रोमबो रडजो-रजाफोरखौ खवलायहरोदों। दिनेनि दतमा थुलुंगापुरि जायगाखौ नायगिदिहेनाय बुब्बलआव मिरु एबसुनि लोगो आफादगिरि खोरोमदाव औवारि आओ गाहाइ नेहाथारि कनिन्द्र बसुमतारिजों लोगोसे सुबुं फोनांजाब नेहाथारि सोमदोन ब्रह्म, बिख्खों नाजरी, सोलौंथाइ नेहाथारि सोमावसार बसुमतारि, लोगो हारिमु नेहाथारि बुद्धियारि बसुमतारि आओ मावख' नेहाथारि नितु बर'जों लोगोसे कर्राझार जिल्ला दुलाराय बर' फरायसा आफादनि आफादगिरि कृपेस दैमारि, गाहाइ नेहाथारि खाम्फा बसुमतारि बिथांमोनहाबो बाहागो लादोंमोन

वरपेटा रडनि शापाकामाराव जाब्रवथायजों ...

मिडिकेलिसिम जायगानि रडजो-रजा आओ पुलिस हान्जाया दैथायहरो। जाब्रवथायनि उनावनो जाथायसालियाव खुदिरिखानाय दुंहाव थासारि सोमजियो। वरपेटा रडनिफ्राय गोथेथिजों फेबाय थानानै इ-रिक्सायाव सौघ्राव होनानै खारखोमा लांनाय डाम्पारनि हेथायै जायगानि रडजो-रजाफोर खुदिरिखानाय फोरमायदों। जाब्रवथायनि उनावनो डाम्पार खारखोमालांनयायखौ मिरु खालामनानै जायगानि रडजो-रजाफोर खुदिरिखानानै गाहाइ लामायाव माखासे डाम्पारफोरखौ ह्यमथानानै लाखियो। गोबाव सान नाडै डाम्पारनि थलाय-फैलाय हान्था-मेलायाव सरसनसा लामा हाथिग्राफोरखौ जेना सोमजिहोवाय थानायनि अजद दैखानानै पुलिस आओ जिल्ला खुंथाया रहा आजावनयनि थाखाय जायगानि रडजो-रजाफोर खवलायदों। मख'नो गोनांदि, आफां आसामनि गोनांथार फालांगियारि गाहाइ जायगा वरपेटा रडसिम आओ वर्ल्ड हेरिटेज साइट मानास माहारियारि पार्कसिम हादतयारि-गुबुन हादतयारिनि दावबायारिफोर हान्था-मेला खालामनाय गोनांथार लामाजों फुनिफ्राय हरसिम बक'दैसा निअन्थाइ-बालाफोरखौ लाबोनानै फालांगि खालामो डाम्पारफोरा। बे डाम्पारफोरनि सौघ्राव होनाय जाब्रवथायवनो आधिखालाव माखासे सुबुंफोर जिउ खोमानादों

तामुलपुरयाव आन्सलिक श्रीश्री कृष्ण दौल ...

बेलासिनि 5:00 रिंगायाव गाहाय थानसालि दरखौ बेखेवगोन। बेलासिनि 5:20 रिंगायाव आलारि बाथि फोजोंगोन, मोनाबिलि 6:00 रिंगायाव बराय मान बाउनाय हाबाफारि खुंगोन। मोनाबिलिनि 7:00 रिंगायाव गोदान लुजानाय दौल मन्दिनि गाहाय हाबग्रा गेटखौ बिटिआरनि गाहाइ मावफुं सोद्रामा प्रमद बर' बेखेवनानै होगोन। मोनाबिलि 7:20 रिंगायाव तामुलपुरनि जर'खा-मुंदंखा सुबुंफोर जुथायै आलारि बाथि फोजोंगोन। मोनाबिलि 7:30 रिंगायाव फटका सावनाय जागोन। लोगोसेनो हरव बिटिआरनि सायख'जानाय एमसिएलए हेमन्त कुमार राभाया 8:10 रिंगायाव बोरमा मेन्दा बोलि होनायखौ बेखेवगोन। हरिनि 9:30 रिंगायाव जान्हवो मिनि थियेटारखौ दिन्थिनाय जागोन। हाबाफारि बायदिथै 25 मार्च अक्टखालि फुनि 6:00 रिंगायाव उषा संकिटन, फुनि 8:00 रिंगायाव आइजोफोरनि नाम किटन, फुनि 10:00 रिंगायाव बिफां-फुलि गाइगोन आफा नासर्निनि बिगोमा मिलन बर' आओ आजरा मोन्याय फोरोंगिरि ज्यतिसे दासआ। सान्जौफुनि 12:00 रिंगायाव बिबार बाउनायजों लोगोसे बेलासिनि 4:00 रिगानिफ्राय हंग्रायहरजानाय आरिमुगिरिफोरनि गेजेरजों गाव गोनां हारिमुवारि हाबाफारि खुंगोन। मोनाबिलि 7:30 रिंगायाव दान होराफोरखौ मान बाउनायजों लोगोसे हरनि 8:30 रिंगायाव हारिमुवारिनि मोनाबिलिनि जौसंखाय बेखेवना होगोन आसाम जौगाखौ आफादनि नेहाथारि शनेश्वर तलितया, हरनि 9:00 रिंगायाव काजलकृष्ण आओ काजलप्रियामोनहा हारिमुवारि मोनाबिलिखौ दिन्थिगोन। जायनि उनाव 26 मार्चखालि फुनि 6:00 रिंगायाव उषासंकिटन, फुनि 8:00 रिंगायाव फुजा सिबिथाय, फुनि 10:30 रिंगायाव जुथाय फाकुवा गेलेनाया जागायजेनगोन, बेलासिनि 3:00 रिंगायाव नागरनाम दिन्थिगोन नलबारिनि उत्तपल सागर आओ पार्टीप्रतम तालुकदारआ। बेखौ बेखेवना होगोन उलुवारि गोजौ गेजेर फरायसालिनि लोगो फोरोंगिरि महेश्वर बैश्यआ। हरनि 8:30 रिंगायाव शुभरी संकिटनजों दौल फोबांआ थुंगेहोना। दौल फोबांनि सायथामनि हाबाफारियाव रडजो-रजाफोरखौ हेफाजाब होफेनो थाखाय दौल फोबां बान्जाय आफादनि आफादगिरि नितुल दास आओ गाहाइ नेहाथारि देवकान्त रजवंसिमोनाह खवलायहरोदों

रंजालि बैसागु खुंफुं आफादआ बिहु मोसानाय ...

रिगानिफ्राय 5 रिगामिम सान 5 नि हाबाफारिजोंबे मावबादाखौ खुंनाय जागोन। गसाइगावनि गोदान जोलेनो असमीया हारिनि जिउ रेखा बिहुजों सिनायथि होनायजों लोगोसे हारि-धोरम, राव-बोरगे वासियालो बयखौबो बिहुजों नांथाबहनानै समाजनि खौसेथिनि दौलेंजों गोत्रोंसिन खालामनायनि थांखिजों बे मावबादाखौ खुंनाय जादों। बेनि अनगाथेबो गसाइगाव आओ खाथि-खाला ओन्सोर्लनि जाखांबोनाय गोदान जोलेआ जाहाते गेबेडै बिहु मोसानाय आओ दामजु दामनायनि सोलौंथाइ लानानै गाव-गावनि रंगनथिखौ फोजौखानो हायो बेनि फारसेबो नोजोर होनानै बे बिहु मावबादाखौ खुंनाय जादों होनानै गसाइगाव मिरु रंजालि बैसागु खुंफुं आफादनि आफादगिरि ड हेनिश दास आओ नेहाथारि शंकर चौधुरीआ खौरं बिजॉनि सिगाइव फोरमायो। कर्राझार जिल्लानि फकिरगामनिफ्राय हंग्रायहरनाय बर बिहुवती लक्ष्मी सिंह, बिहु कुँवरी प्रियंका सिंह, बर बिहुवा उदित काश्यप आओ बिसोरनि हेफाजाबगिरिफोरनि सामब्लायनायाव खुंनो गोनां बे मावबादायाव गाव-गावनि गथ'फोरखौ बाहागो लानो जाहाते थुलुंगा होयो बेनि थाखाय गसाइगाव सहर आओ खाथि-खाला ओन्सोर्लनि दिथागिरिफोरखौ सामब्लाय आफादआ खवलायहरो। बे मावबादायाव बाहागो लानो गोसो गुदुंफोर गाव-गावनि मुंखौ रंजितपार खालामनो थाखाय नेहाथारि शंकर चौधुरी (मबाइल नं: 8633324929), हारिमुवारि नेहाथारि जेरी दास (मबाइल नं: 7002820969) आओ मृनालिनी डेका कलित (मबाइल नं: 9435483471) जौ फोनांजाब खालामनो थाखाय सामब्लाय आफादनिफ्राय खवलायहरोदों

मार्डार मुबारक सावथुननि सिगां माखासे वेब सिरिजफोरखौ मार्डार केसफोरनि सायाव बानायनाय जादों

पंकज त्रिपाति आरो सारा आलि खान स्टारर मार्डार मुबारक सावथुनआ मोनसे मार्डार मिस्ट्रीन सायाव बिथा खालामनाय सावथुन। बे सावथुनआव करिमा कापुर, सारा आलि खान, पंकज त्रिपाति आरो भिजय भर्माखौ गाहाइ बिफावआव नुनो मोन्नाय जादों। जुदि नोंथाडा मार्डार मिस्ट्रीन सायाव बिथा खालामनाय सावथुनफोर आरो वेब सिरिजफोरखौ नायनो लुबैयो अल्ला नोंथाडा बे सावथुननि सिरिजखौ नायनो हागोन। मार्डार मुबारक सावथुननि अनगायैबो नोंथाडा अटिटिआव गोबां गिदिर मार्डार मिस्ट्री सावथुनफोर आरो वेब सिरिजफोर नायनो हागोन। मार्डार मुबारक सावथुननि सलआ दि रयेल क्लाब अफ दिल्लीयाव



जानाय मोनसे मार्डारनि जाथायनि सायाव बिथा खालामजानाय। नोंथाडा बे सिरिजखौ नेटफ्लिक्सआव नायनो हागोन। हिट सावथुन 'दृश्यम' नि सिक्वेल दृश्यम 2 सावथुनआ गावनि सल'जों सुबुंफोरखौ मोनफ्रोमबो नुथायनि

उनाव मा जागोन होन्ना सानो गोनां खालामदों। बे सावथुना नायगिरफोरनि गेजेराव दोहौ सोमजिहोदों। जुदि नोंथाडा दृश्यमनि मोनैबो पार्टखौ नायनो लुबैयो, अल्ला नोंथाडा बेखौ डिन्जी प्लास हटस्टारव नायनो हागोन। दिल्लीयाव जानाय

जेसिखानि मार्डार केसखौ राजकुमार गुप्ताजों दिथा होजानाय 'न वान किल जेसिका' सावथुनाव दिन्थिनाय जादों। जेसिकाखौ मार्डार खालामप्राया सासे बारग' मन्थ्रिनि फिसाज्जामोन। बियो जेसिकाखौ गावथारदोंमोन।

सावथुनाव रानी मुकाजी आरो बिद्या बालनखौ गाहाइ बिफावफोराव नुनो मोन्नाय जादों। कातपुतली सावथुनआ तामिल सावथुन रतासन सावथुननि हिन्दी रिमेक। बे सावथुनाव अक्षय कु मार, रकुलप्रित सिंह, चन्द्रचुर सिंह आरो सरगुन मेहताआ गाहाइ बिफाव लादोंमोन। बे सावथुनाव बेखौ दिन्थिनाय जादोंदि, गुरिया परमारआ मार्डार केसफोरखौ सलप खालामो। नोंथाडा बे सावथुनखौ डिन्जी प्लास हटस्टारव नायनो हागोन। बयनिखुइ मुंदांखासिन निशासर वेब सिरिजआ मोनसे जोबोर सोमोनांथाव वेब सिरिज बे वेब सिरिजआ मोनसे मार्डारनि गोमोथाव थुनफावथाय, जायनि सल'आ लक्ष्नी सहरव जानाय मार्डारनि सायाव बिथा खालामनाय। रहित रजभतआ बे वेब सिरिजआव गाहाइ बिफाव लादों। नोंथाडा अटिटि प्लेट फर्म जेमप्लेक्सआव बे वेब सिरिजखौ नायनो हागोन।

बबि देअलआ आर्यानि खाननि स्टार डम सावथुनाव मोनसे गोदान फाव खालामगोन



एनिमेल सावथुननि जाफुंसारनायनि उनाव बबि देअलआ गोबां अन्सायजागासिनो दड। बिथानि आखायाव आधिखालाव मोनसेनि बांसिन मावथांखिफोर दड। बे सावथुनाव बिथानि 15 मिनिटनि फावआ बिथानि गोमा

लानाय स्टार डमखौ लाबोफिन्दों। लर्ड बबि मुडै मुंदांखा बबि देअलआ आधिखालाव आर्यानि खानजों दिथा होजानाय सिरिज स्टार डमाव गावनि दोहौखौ दिन्थिगोन। आर्यानि खानआ बे सिरिजनि थाखाय

सावरायजागासिनो दड। हास्तायगिरफोराबो बिथानि क्राप्टखौ नायनो थाखाय गोसो गुदुं जानानै दड। गासैबो अन्सायगिरफोरा नायनो लुबैदोंदि, शाहरुख खाननि फिसाज्जा आर्यानि खानआ माबादि रोखोमनि सिरिज लाबोगोन। बेजों लोगोसे सिरिजनि थाखाय माखासे फावखुंफोरनि मुंफोराबो ओंखारदों। बे सिरिजआव बबि देअलखौ मोनसे गोनां फाव खालामनाय नुनो मोनगोन। बेबादि रोखोमनि फावआव बिथानि सिगाडाव माल्लाबाबो

नुनो मोन्नाय जायाखैमोन। बबि देअलखौ आर्यानि खानजों दिथा होजानाय बे सिरिजआव सासे पेन्सि आखुनि फाव खालामनाय नुनो मोनगोन। बिथाडा सासे सुपासस्टारनि फाव खालामगोन। जायनि स्टार डमआ सरासनस्त्रा सुबुंफोरनि सान्नायनिखुइ बांसिन जागोन। बे आखुआव गोबां लेयार थागोन। बबि देअलनि आखुनि मुडबो जोबोद जुनिया जागोन। बबेखानि बेखौ दासिमबो फोरमायनाय जायाखै। बबि देअलखौ एनिमेल सावथुननि थाखाय बेस्ट एक्टर इन नेगेटिव रलनि थाखाय सिने एवार्डजों मान होनाय जादोंमोन। बिथानि गुबुन मावथांखिफोरनि बाश्रा बुडेव्ला, बिथानि तामिल सावथुन 'कंगुवा'आव नुनो मोनगोन। बे सावथुनाव बिथानि फिन खेवसेबाव दुथानि फावआव नुनो मोनगोन। बबि देअलनि अनगायैबो सुर्यां आरो डिशा पाठनिआबो बे सावथुनाव गोनां फाव खालामगोन।

फराह खानआ करण जौहरनि मोनसे भिडिअ शोयार खालामदों

करण जौहर आरो फराह खाननि गेजेराव थानाय मोजां लोगोआरि सोमोन्दोनि बागै बयबो मिथियो। बिसोर सानैबो खेलायलायनाय एबा एदावलायनायफोरा गोबां समावनो सावरायजाबाय थयो। सावथुन बानायग्रा करण जौहर आरो करियग्राफर फराह खानआ जयै खामानिबो मावखांबाय। फराह खानआ करण जौहरनि मोनसे भिडिअ शोयार खालामदों, जेराव करण जौहरनि उन्दुग्रा खथा आरो आलमारनि मोनसे नुथाय दिन्थिनाय जादों। बे भिडिअआ सशेल मिडियाआव भाइरेल जागासिनो दड। करण जौहरनि लाग्जारि बेट रूम आरो डिजाइन गोनां खसावफोरनि भिडिअआ सशेल मिडियाआव सुबुंफोरजों



गोदान खथायाव थांगासिनो। करण जौहरआबो बिथानिजोना गावनि न'नि टुरखौ होदों। बिसोर सानैबो मोनसे गिदिर खथायाव हाबहैदोंमोन। बेनि उनाव करण जौहरआ बुंदोंदि, गिबियाव आनि उन्दुग्रा खथाखौ नाय आरो आनि खसाबनि कालेक्सनफोरा बेनो। करण जौहरआ बलिउडनि बयनिखुइबो मुंदांखासिन सावथुन बानायग्राफोरनि गेजेराव सासे। करण जौहरआ जेब्लायबो गावनि गावनि जिजनि सोमोन्दै खुलायै रायज्जालो। करण जौहरखौ जोबथा खोबनि थाखाय बयनिखुइबो मुंदांखासिन स्व' कपि उडट करण 8' खौ हस्ट खालामनाय नुनो मोन्दोंमोन।

यध्दा सावथुनआ उइकेन्डआव मोजां फालांगि खालामनो हादों

यध्दा सावथुनआ नायगिरफोरनिफ्राय मोजां अन्सायनाय मोनगासिनो दड। सिध्दार्थ मल्हत्रानि बे सावथुननि सल' आरो स्टार कास्टआ सावराय जागासिनो दड। सिध्दार्थ मल्हत्रानि सोमोनांथाव एकसन अवतारखौ यध्दा सावथुनआव नुनो मोन्नाय जादों। दिशा पातानी आरो राशि खान्नायाबो बे सावथुनाव गाहाइ बिफावआव दड। बबेखानि सावथुनआ गिबि सानाव बार रां आरिजिनो हायाखैमोन। बे समावनो बे सावथुननि रां आरिजिनाया दिन बारायलानायजों लोगोसे बांगासिनो दड। सिध्दार्थ मल्हत्रानि सावथुनआ भारतआरि बक्स अफिसआव लासैयै जागायदोंमोन। सिध्दार्थ मल्हत्रानि यध्दा सावथुना उइकेन्डआव जोबोद मोजां मुलाम्फा मोन्दों। थामथि सानाव बे सावथुननि रां आरिजिनाया बांदों। साक्निलकनि बायदिब्ला बे एकसनजों बुंफनबाय सावथुना गिबि सानाव भारतआव 4.25



कौटि रां आरिजिनो हादोंमोन। नैथि सानाव यध्दा सावथुना 5.75 कौटि रां आरिजिनो हादोंमोन। बेबादि थासारियाव बे सावथुना उइकेन्डनि समाव आरोबाव साबसिन रां आरिजिनो हादों आरो थामथि सानाव सावथुना 7 कौटि रां आरिजिनो। यध्दा सावथुनआ सानथामाव 16.5 कौटिनि बांसिन रां खामायबाय। बे सावथुनाव डि अक्टेन एकसनखौ नुनो मोन्नाय जादों। यध्दा टारक पर्सनि कामानिडि अफिसार अरुण कल्यानिन रैखाथि हाबाफारनि सायाव बिथा खालामनायै बानाय जानाय बे सावथुनाव गोबां दोहौ नुनो मोन्नाय जादों।

मिथिहोनाय जायोदि, सिध्दार्थ मल्हत्रानि यध्दा सावथुनजों लोगोसे अदा शर्मानि बास्टार द नक्सल स्टार' सावथुनाबो 15 मार्चआव सिनेमाहलफोराव रिलिज जादोंमोन। सिध्दार्थ मल्हत्रानि यध्दा सावथुनखौ सागर अम्ब्रे आ लिरदों आरो बिथाड पुष्कर अजाजों लोगोसे बे सावथुनखौ दिथि होदों। मिथिहोनाय जायोदि, 2022 माइथायाव रिलिज जानाय 'टेंक गड' सावथुननि से खवसे बोसोरनि उनाव सिध्दार्थ मल्हत्राआ दिहुनगिरि करण जौहरनि यध्दा सावथुनजों लोगोसे गिदिर फैसालियाव फैफिनबाय।

मुकेश खान्नाया सक्तिमाननि कारिस्टनि सायाव रागा जौनाय फोरमायदों



फावखुं गुर मुकेश खान्नाया 90 जिथाइनि मुंदांखा दिन्थिफुं नाय सक्तिमान स्व'आव यादिनि फाव खालामनायै बयनिबो गोसोखौ बोनो हादों। बे दिन्थिफुंनायनि

गेजेरजों बिथाडा फाव खालामनाय आखुआ गथ'फोरनि गेजेराव बयनिखुइ बांसिन मोजां मोनजासिनाय जादों। थानाय माखासे सानफोरनिफ्राय खौरां

फै गासिनो दंमोनदि, सक्तिमाननि सायाव मोनसे सावथुन बानायनाय जागोन, जायनि फावखौ रणभिर सिंहआ खालामगोन। जेब्ला बे खौराडा सोराडाव फैदोंमोन अल्ला मुकेश खान्नाया रागा जोंदोंमोन। फावखुं गुरआ सशेल मिडियाआव कारिस्टनि थाखाय सायख'नायखौ बेरेखा खालामदोंमोन। सशेल मिडियाआव पस्ट सेयार खालामनायै मुकेश खान्नाया बुंदोंदि, रणभिर सिंहआ स्टार पावार थासेयावबो बिथाडा माल्लाबाबो सक्तिमान जानो हाया। गासै सशेल मिडियाआव गोबां दाननिफ्रायनो नंखाय रादावफोरजों बुंफनबायमोन। जेब्ला चेनेलफोराबो रणभिर सिंहखौ साइन खालामनाय जाबाय होन्ना फोसावनो हमदोंमोन अल्ला आं खुगा खेवनो गोनां जादोंमोन। आं बुडोदि, बेबादि इमेज गोनां सुबुडा जेसेबांखि गिदिर स्टार जाया मानो बियो माल्लाबाबो सक्तिमान जानो हाया। मुकेश खान्नाया इडटुबआव बेनि सोमोन्दै खुलायै बुंदों।

'सेतान' सावथुननि फालांगिआ 100 कौटि रांनि बाब्याय



अजय देभगान आरो आर माधवननि सेतान सावथुनआ बक्स अफिसआव दोहौ सोमजिहोगासिनो दड। सावथुनआ रिलिज जानायनि 10 सानावनो 100 कौटिनि बांसिन रां आरिजिनो हाबाय। अजय देभगान आरो आर माधवन फाव खालामनाय सेतान सावथुननि सल'खौ नायगिरफोरा जोबोद मोजां मोन्दों। सावथुना गिबि साननिफ्रायनो बाख्नायजागासिनो दड। 8 मार्चआव रिलिज जानाय सेतान सावथुना 14.75 कौटि रां आरिजिनायजों बक्स अफिसआव जागायजेन्दोंमोन। बेनि उनाव उइकेन्डनि समाव खामायनायनि गोखैथिआ बांदों। सेतान सावथुना थानाय शनिबाराव 18.75 कौटि रां आरो थानाय रबिबाराव 20.50 कौटि रां आरिजिनो। गिबि सप्टाहनि बाश्रा बुडेव्ला सेतान सावथुना रिलिजनि 7 सानाव फ्राय 80 कौटि रांनि फालांगि खालामदों। नैथि सप्टाहनि जोबनायाव सेतान सावथुननि फालांगिआ एसे गाहायाव फैदों। सेक्निलकनि रिपर्टनि बायदिब्ला, बे सावथुनआ थानाय शुक्रबाराव 5.05 कौटि आरो थानाय शनिबाराव 8.50 कौटि रां आरिजिनो। थानाय रबिबाराव फालांगिखौ नायनानै गिबि अन्जिमानि बायदिब्ला, बे सावथुना 17 मार्चखालि 9.75 कौटि रांनि फालांगि खालामदों। बेजों लोगोसे सेतान सावथुना रिलिजनि 10 साननि गेजेराव नख'रारि बक्स अफिसआव 103.05 कौटि रां बुथुमनो हादों। ज्यतिकया सेतान सावथुनाव अजय देभगान आरो मार माधवनजों लोगोसे गाहाइ फाव खालामदों। सेतान सावथुना कृष्णदेव यानिकजों लिरजानाय आरो दिथाहोजानाय 2023 माइथायनि गुजराति सावथुन 'भस्' नि हिन्दी रिमेक सेतान सावथुनखौ भिकास बहलआ दिथा होदों।

शाहरुख खान आरो प्रिटि जिन्टानि मोनसे भिडिअआ भाइरेल जादों

यश चप्रानि भीर जारा सावथुनआ मोनसे सुपारहिट सावथुन। बे सावथुनआव शाहरुख खानआ भारतयारि अखां सान्थि पाइलट भीर प्रताप सिंहनि फाव खालामदोंमोन आरो प्रिटि जिन्टाआ पाकिस्ताननि सिख्ला जारा हयात खाननि फाव खालामदोंमोन। भीर जारा सावथुनआ 20 बोसोर जानो थांगासिनो दड। बे समावनो आधिखालाव शाहरुख खान



आरो प्रिटि जिन्टानि मोनसे थ्रबेक भिडिअआ ससेल मिडियाआव सोराडाव फैदों। बे भिडिअआव बिसोर सानैखौ

डान्स रिहासैल खालामनाय नुनो मोन्दों। भीर जारा सावथुननि सल'आ भारत आरो पाकिस्ताननि सानै संग्रा-

सिक्लानि गेजेराव मोजां मोनलायनायनि सल'नि सायाव बिथा खालामजानाय। शाहरुख खान आरो प्रिटि जिन्टानि बे सावथुनआ बलिउडनि रमान्टिक सावथुनफोरनि केनभासखौ आबुडै सोलायहोदोंमोन। बे सावथुनआव शाहरुख खान आरो प्रिटि जिन्टानि अनगायै रानी मुखार्जीखौबो नुनो मोन्नाय जादोंमोन। आधिखालाव शाहरुख खान

आरो प्रिटि जिन्टानि मोनसे भिडिअआ भाइरेल जागासिनो दड। बे भिडिअआव बिसोर सानैखौबो सावथुननि हिट मेशाडि तेरे लिएआव मोसानाय नुनो मोन्दों। भीर जारा सावथुनखौ दासिमबो बयनिखुइ बांसिन रमान्टिक सावथुनफोरनि फारिलाइआव सानफानाय जायो। भीर जारा सावथुनआव फ्राय 50 बोसोर गोजाम देंखोफोरखौ बाहायनाय जादोंमोन।

गाहाम देहानि राहा

गोलोम बोथोरनि समाव नोंथाडा कल्ड ड्रिंकफोरखौ बाहायाबालानो माखासे लोंग्रा बेसादफोरखौ बाहायनो हागोन

दिल्ली एनसिआरआव बोथोरा आबुडै सोलायबाय। बेवहाय बावैसो सान सिगां बोथोरा जोबोद गुसु जादोंमोन। आधिखालाव बोथोरा सोलायनानै दुंथाया बांनो हमबाय। गोलोम बोथोराव कल्ड ड्रिंकफोर लोडोब्ला गोजोन्नाय मोनो, बेयो देहाखौ थाजिम आरो गोजोनरलाय होयो। नाथाय बेखौ बाहायनायनि जाहोनाव नोंथानि देहाया माखासे गिथावन बायमफोर जानो हागौ। माखासे सुबुंफोर हाथायाव मोनो हनाय डाइट ड्रिंकफोरखौबो गरम बोथोराव बाहायो। मोनसे गोदानसिन बिजिरसंनायनि बायदिब्ला बे डाइट ड्रिंकफोरखौ बाहायोब्ला बिखानि बेयमनि खैफोदआ 20 जौखोन्दो बाडो। जायफोरा कल्ड ड्रिंकफोर बाहायो बिसोरनि देहायाव लाथा खानाय



गोजौ थैनि नारसिन्थाय आरो डाइवीटिसनि जेनाफोरा जानो हागौ। डाइट ड्रिंकफोरखौ बाहायग्रा सुबुंफोरनि देहायाव केपिन बांनानयनि जाहोनाव हाइफार टेन्सननि जेनाया सोमजिनो हागौ। बेनिखायनो बेफोर गासैबो साइट एफेकफोरखौ फोजोबस्त्रांनो थाखाय नोंथाडा माखासे राहाफोरखौ मिथिना लानांगोन- (1) गोलोम बोथोराव नोंथाडा रेंजें जाग्रा आदारखौ जा, गावनि देहाखौ आबुडै सुटि जिफोरजों खोबथेना ला लोगोसे गंसे दैनि बथलखौ लाफा आरो

सानफ्रोमबो सामसे मेटि गुन्दै जा। बेबादि खालामनाया नोंथाखौ सुगार बेयमनिफ्राय रैखा खालामगोन। (2) नोंथाडा हाइ प्रेसारनिफ्राय रैखा मोनो थाखाय गोबां बिबांनि दै लों, स्ट्रेस आरो टेन्सनखौ बाडाइ खालाम आरो समाव जाग्रा आदार जा। (3) जुदि नोंथाडा फुडव सिखारनाय लोंगो-लोगो गारामाखौ गोब्रा मोनोब्ला नोंथाडा थाइजौनि रोसि आरो खुसेरनि रोसिखौ लोंनो हागोन। नोंथाडा बेबायदि खालामोब्ला गारामाखौ गोब्रा मोन्नायनिफ्राय थाबैनो रैखा मोनो हागोन।

भारतआव हाबफैनो नाजानाय बांलादेशीफोरा बिएसएफनि सायाव गाग्लोबदों

गोदान दिल्ली, 18 मार्च : भारत आरो बांलादेशनि सिमनायाव सिखावफोरनि एबा सिमगलारफोरनि हाबाफारिया सोलिबाय थारदों। खौरनि बायदिब्ला त्रिपुरनि उनाकटि जिल्लायाव रबिबारखालि बिएसएफनि जवानफोर आरो बांलादेशनि सिमगलारफोरनि गेजेराव गुलि गावज्जायदों। बे जाथायाव सासे बांलादेशी सिमगलारनि जिउ गोमादों होना मिबथिनो मोन्दों। फारसेथिं बे जाथायावको बिएसएफनि सासे जवानआवो खर'आव जोखोम जायो। बिएसएफ बिबानगिरिनि फारसेनिफ्राय मिबथिहोनाय बायदिब्ला, मगरलीनि सिमना सेखपस्ट साखाथियाव 15-20 सुबुंफोरनि मोनसे हान्जाखौ सन्देह' गोनां मुवा लानानै बांलादेशिनिफ्राय भारतआव हाबफैनो नाजानाय नुनो



मोन्दोंमोन। बिएसएफआ बिसोरखौ थारद'नो सांग्राथि होयो। नाथाय बिसोरो गनायाखे आरो उल्थायै बिएसएफ जवानफोरनि सायाव गाग्लोबनो नाजायो। बे समाव डिउटियाव थानाय बिएसएफ जवानफोरखौ बिसोरो बेंडिनानै लायो। अब्ला बिएसएफनि सासे जवानआ गुलि गावयो आरो सासे

सिमगलार गुलि नाजाना जिउ गोमायो। बिखौ नुनानै गुबुन माखासे बांलादेशी सिमगलारफोरा बिएसएफनि जवानखौ गाग्लोबो। बे समावको गुबुन जवानफोरा सफेनानै बाराव गुलि गावयो अब्ला सिमगलारफोरा फोरसा-फोरसि खारलाडो। बिएसएफनि बिबानगिरिफोरा फोरमायदोंदि, बे जाथायाव

थैनाय सुबुंखौ बांलादेशनि मौलबि बाजार जिल्लानि दस्ताकि गामिनि सड्डा हुसेन होनानै सिनायथिनो हारदों। बे गासै जाथायाव बिएसएफनि सासे जवानआ खर'आव गोत्राव जोखोम जायो। जोखोम जानाय जवानखौ साखाथिनि जिल्ला फाहामसालियाव लानानै फाहामथाइ होनाय जादों।

हादतगिरि बिसायख 'थियाव पुतिनआ रेकर्ड गोनां देरहासारना जारिमिन सोरजिदों

मस्क', 18 मार्च : हादतगिरि ब्लाडिमिर पुतिनआ रासियानि हादतगिरि बिसायख 'थियाव रेकर्ड गोनां देरहासारनो हाबोदों। बेजों लोगोसे बिथाड खुंथायाव फेफिनगोना रोजा जायो। अदेबानि रोजा रोजा बिथानि बेरेखाफोरा भट सोनाय मिरुफोराव गोखोडै धनां होयो। फारसेथिं रासियाआव जानाय हादतगिरि बिसायख 'थियाव लानानै इउएसएआ बुंदोंदि, बे बिसायख 'थियाव भटारफोरा



गोसो बायदियै भट होनो मोनाखे आरो भटनि हाबाफारियाबो उदाडै खुंजायाखे। केजिबनि बारा' लेफिटेनेट कार्नेलआ बुंदोंदि,

पुतिनआ गिबि खेब 1999 रासियानि खुंथायाव फेदोंमोन। बिसायख 'थिनि नुजाथिनाय फिथाइनि थांखिया सोनाबारि हादतफोरनो रासियानि

दैदेनगिरिफोरा फेनो गोनां माखासे बोसोरसिम दावहायानो जा एबा गोजोन समावको जाया मानो सासे साहज गोनां हादतगिरि महरै पुतिन आरो बिथानि खुंथाइ खुनायावको जिउ खानांगोन। बिसायख 'थिनि गिबि खोलोबनि भट सानायाव 71 बोसोर बैसोनि पुतिनआ गोसोरो फिन खनसेबाव 6 बोसोरनि खुंथायाव फेफिनो हानाय जादों। बिथाड जसेप स्टालिननिफ्रायको बांसिन भट

प्रिन्स लुइसनि जोनोम सानाव केट मिडलटननि सावगारिखौ फोसावगोन

लन्डन, 18 मार्च : ब्रिटिस राजा फोलेरनि एबा नख'रनि बिहामजो एबा प्रिन्स उइलियामनि बिसि केट मिडलटनखौ लानानै गोबां रोखोमनि खौरां सोराडव फेदों। गोबाव समनिफ्रायको केट मिडलटनखौ सुबुंफोरनि गेजेराव नुनो मोन्याय जायाखे। बेनि गेजेरजों राज फोलेरा गावसोरनि नख'रनि माबा गोनां बाध्रा दोनखोमानो नाजानै होनाबो खौराडव बुंन्याय जादों। बेफोर बायदि खौरां गोसारनायनि गेजेराव केसिंटेन पेलेसनिफ्राय फिन्याय फोसावनाय बुंदोंदि, 42 बोसोर बैसोनि केट मिडलटनआ जानुवारी दानाव उदैनि सार्जारी खालामजानादों। बेनिखायनो बियो न'निफ्रायनो बायजोआव ओंखारथ'याखे। नाथाय राज फोलेरनि गागि स्टाफ सोद्रोमाफोराबो गोबाव



समनिफ्रायको केट मिडलटनखौ नुनो मोनाखे होनाबो खौराडव मिबथिनो मोन्दों। बावैसो सिगां केट मिडलटनआ माडास डेयाव मोनसे सावगारि शोयार खालामदोंमोन। सावगारियाव के टखौ गावनि साथाम फिसाफोरखौ जयै जिरायनाय नुनो मोन्दोंमोन। नाथाय गाहाइ हारियायारि फट' एजेन्सिफोरा मावख'यारि राज फोलेरनि सावगारिआव गोनांखोयारि राहाजों माबाफोर जेना खालामनो हागौ होनानै सावगारिखौ बे वेबसाइटनिफ्राय बोखारदोंमोन, जायनि उनाव केट मिडलटनआ

सावगारि शोयार खालामनायखौ लानानै गोसारनाय नंखाय बाध्राफोरनि थाखाय निमाहाबो बिदोंमोन। बियो एक्सआव मोनसे पस्ट खालामनानै रोखा मिबथिहोदोंमोनदि, जाय गोरोन्थिनि जाहोनाव माखासे गिदिर फट' एजेन्सिफोरा सावगारिखौ गावनि साइटनिफ्राय बोखारनो गोनां जादों। बेखौ बिसोरो गावसोरनि मुलाम्फानि थाखाय खालामदोंमोन। दा सानडे टाइम्सनि गोदान रिपर्ट बायदिब्ला 17 जानुवारी 2024 आव केसिंटेन पेलेसआ जिबि

खेब केट मिडलटननि उदैनि सार्जारी खालामनायखौ मिबथिहोदोंमोन आरो बिथाड इस्टारनि उनाव राज फोलेरारि हाबाफारिफोराव बाहागो लानाय नड होना बुंदोंमोन। फारसेथिं बुंन्याय जादोंदि, बावैसो सिगांनि सप्ताहफोराव मिडलटनखौ लेंबूपआव नुनो मोन्दों। जाय फ्रायसालियाव बिनि साथामबो फिसा प्रिन्स जर्स, प्रिन्सेस सालर्ड आरो प्रिन्स लुइसआ फरायो बेवहाय बिथांखौ नुदोंमोन। सशेल मिडियाआव मोनसे सावगारिनि जाहोनाव नुजाथिनाय जेनिनि उनावबो प्रिन्स उइलियाम आरो केट मिडलटननि दुइसिन फिसाज्जा प्रिन्स लुइसनि मोनसे गोदान नख'रारि सावगारिखौ फेगौ 23 एप्रिलाव शोयार खालामनो हागौ होना आसा खालामनाय जादों। मानोना 23 एप्रिलआव प्रिन्स लुइसनि 6 थि जोनोम सान आरो जोनोम सान फालिथाइजों लोगोसे सावगारिखौ फोसावको हागौ।

गोलोम बोथोरनि गोहोमखौ मार्च दानावनो नुनो मोन्दों

गोदान दिल्ली, 18 मार्च : राजथावनि दिल्लीयाव मार्च दाननि गेजेर समनिफ्रायनो साननि समाव गरम मोनो ह्यदों। अदेबानि फुं आरो मोनानि समाव सरासन्दा गुसु मोनोब्लाबो साननि समाव गरमखौ मोन्दाथिदों। फारसेथिं मोनसे सोनाब नारसिन्थाया सोनाब हिमालय ओन्सोलाव गोहोम खोखौनो हागौ। फेगौ 20 मार्चनि मोनानिफ्राय गोदान मोनसे सोनाब नारसिन्थाया सोनाब हिमालय ओन्सोलसिम सौफेगोन। दिल्लीयाव बिदुड दिनें समबारनिफ्राय सरासन्दा बांसिनजों आरो सप्ताहनि जोबथासिमाव सानआव बिदुड 33 डिग्रि सेल्सियाससिम सौहैनो हागौ। फारसेथिं फेगौ सानबानि गेजेराव हारियाणा आरो पान्जाबजों लोगोसे सोनाब भारतआवबो बिदुड 4 डिग्रि बांसिन जानायनि आसा दड। जम्मू-काश्मीर, लाहाख, हिमाचल प्रदेश आरो पान्जाबनि माखासे ओन्सोलफोरखौ नागारनानै हादतनि गोबां



मौसम मीटर

बाहागोआवनो मेक्सिमम बिदुडा सानजौफु समाव सरासन्दानिफ्राय 2-3 डिग्रि गाहायाव थारदों। फारसेथिं माखासे जायगाफोराव बिदुड सरासन्दासिम जानानै दड। नाथाय सा भारतआव जैरेबो बोथोरा गावनि गोहोमखौ दिन्थिनो ह्यदों। फेगौ 20 मार्चसिमाव गंगा दैमा सेरनि सोनाब बंग'आव अखा मोफ्लामनाय, खोरोमनायजों लोगोसे गोखे बार बारगोन आरो बे समाव सरासन्दा अखा हानोबो हागौ होना बोथोर बिफाना ह्यदोंदों। सोनाब

बंग'नि अनगाथै 21 मार्चनि गेजेराव छतिसगड, झारखान्ड, उरिष्या, भिडर्भ आरो सान्जा मध्य प्रदेशआव अखा खोरोमनाय, मोफ्लामनाय आरो घन्ट्याव 30-40 गोखेथिंजों बाहुंखा बारनो हागौ। लोगोसेनो बे समाव गेजेर थाखोनि अखा हागोनखौ बोथोर बिफाना ह्यदोंदों। नाथाय मध्य प्रदेश आरो छतिसगडआव बाहुंखाजों लोगोसे सारअन्थाइबो गोखेनो हागौ। स्काइ मेट वेडारनि बायदिब्ला, 22 मार्चनि गेजेराव सा-सान्जा भारतआव जायगा जायगा गेजेर थाखोनि अखा हानो हागौ।

इज्राइल सान्थिया फिन गाजानि अलशिफा फाहामसालियाव गाग्लोबदों

जेरुजालेम, 18 मार्च : इज्राइल आरो हामासनि गेजेराव दावहाया सोलिगासिनो दड। बेनि गेजेरजों इज्राइलआ फिन गाजानि अलशिफा देहा फाहामसालियाव गोखौ बमा होफिनदों। बे फाहामसालियाव उतखारिफोर थाखोमानानै थानो हागौ होना इज्राइलआ दाबि दैखादों। इज्राइल रैखाथि हान्जा (आइडिएफ) नि बुंथिगिरिया समबार फुडव बुंदोंदि, गावसोर मोनसे रोखा सुलुनि खौरांखौ मोन्यायनि उनाव अलशिफा फाहामसालियाव अपारेसन खालामदों। अदेबानि गावसिनि थांखिया नोगोरारिफोरखौ ख'हा खालामनायनि नड, हामासनि उतखारिफोरजोंसो जुजिन्याय। आरएडिएम हगारीया बुंदोंदि, हामासनि गागि उतखारिआ अलशिफा फाहामसालिनि सिडावको थाखोमानानै दड। बिसोरनि थांखिया इज्राइलनि हे'थायै गोखोडै गाग्लोबबानायनिमोन। उ त ख ा रि फ र ख षै फोजोबसानायनि गेजेरजों



गावसोर फिन खनसेबाव गाग्लोबदों। बे समाव आइडिएफआ नोगोरारिफोरनि रैखाथिखौ नोजोर लाखिनानै उतखारिफोरनि सायाव गाग्लोबदों। फारसेथिं आइडिएफआ फाहामसालिनि लांगोनायाव बेरामिफोरखौ हेफाजाब होनो थाखाय आर'बी राव बुं'गा सुबुंफोर आरो फाहामथाइ मावफारियाफोरखौ थिसन्दों। बे ओन्सोलाव नोगोरारिफोरखौ मदत होनो थाखायबो गावसोर बिबान लादों। बे समावको गाजायाव

हामासनि सामलायजानाय सावस्त्रि मावख'या सोलिबाय थानाय इज्राइलनि अपारेसनखौ लाना मोनसे फिन्याय फोसावदों। बेयाव बुंदोंदि, बिसोरो अलशिफा मेडिकेल कमप्लेक्सनि सिडाव मेडिकेल स्टाफ, बेरामिफोर आरो बिथा गोमाजानाय सुबुंफोरनि जिउनि थाखाय एबा बिसोरनि जिउआ खै फोदआव गोखेनानायनि थाखाय इज्राइलनि गाग्लोबनायखौनो गाहाइ दायनिगिरि होना गनायो। बैयाव माहारियायि सुबुंथिनि

आइनखौबो सिमफायनाय जादों होना मावख'या बुंदों। मख'जाथावदि, बेनि सिगां इज्राइल सान्थिया गाजायाव गिदिर जाफुंसारनाय मोनो हादोंमोन। इज्राइल सान्थिया मोनसे हा सिडाव खालामनाय अपारेसनआव हामास उतखारि आफादनि चिफ अफ स्टाफ मार्वान इस्साखौ जिउ फोजोबनो हादों होना दाबि दैखादों। इज्राइल सान्थिया बे अपारेसननि भिडिअबो फोसावदोंमोन।

सना आरो रुफानि बेसेनआ दावख्लायदों

गोदान दिल्ली, 18 मार्च: दिनें समबारखालि सनानि बेसेनआव दावख्लायनायजों फालांगि खालामनायखौ नुनो मोन्दों। दिनें समबारखालि फुं'आव डिलिभारिनि थाखाय सनानि बेसेनआ एमसिएक्स एक्सेन्जआव 0.50 जौखोन्दो एबा 328 रं दावख्लायनानै मोनफ्रोम 10 ग्रामआव 65,214



रं बेसेनआव फालांगि खालामदों। बेजों लोगोसे 5 जुन 2024 खालि जानो गोनां रूजुनायाव 63.6 जौखोन्दो बांन्याय रेकर्ड थिसनो मोन्दों। बेनि फिथाइ महरै केलेन्डर बोसोर 2023 आव कम्पानीनि टेक्स होनायनि सिगांनि मुलाम्फाया 78,823 कौटि रं जादोंमोन। बेयो रंखाथि बोसोर 2020-21 नि रूजुनायाव 2 खावसे गुण बांसिन आरो 2022-23 नि रूजुनायाव 37.8 जौखोन्दो बांसिन। कम्पानीया बुंदोंदि, 2023 नि 31 डिसेम्बरसिमाव गुपनि हाइ लिकु इडिटिआ 44,572 कौटि रंमोन।

डिलिभारिनि थाखाय सनानि बेसेनआ 0.47 जौखोन्दो एबा 310 रं खमायनानै मोनफ्रोम 10 ग्रामआव 65,592 रं बेसेनआव फालांगि खालामदों। थानाय सनाजों लोगोसे रुफानि नख'रारि बेसेनआबो द ा व ख ल ा य द े । एमसिएक्सेन्जआव 3 मे 2024 खालि जानो गोनां डिलिभारिनि थाखाय रुफानि बेसेनआ दिनें समबारखालि फुडव 0.49 जौखोन्दो एबा 374 रं खमायनानै कि:ग्रा:आव 75,276 रं बेसेनआव फालांगि खालामदों। थानाय

शुक्रबारखालि नख'रारि स्पट मार्केटआव रुफानि बेसेनआ कि:ग्रा:आव 77,100 रं जादोंमोन। मुलुगनाडैनो दिनें समबारखालि सनानि बेसेनआ दावख्लायदों। कमेक्सआव सनानि मुलुगनां बेसेनआ 0.54 जौखोन्दो एबा 11.60 डलार दावख्लायनानै मोनफ्रोम अन्सआव 2149.90 डलारआव फालांगि खालामदों। एखे समावको सनानि मुलुगनां स्पट बेसेनआ 0.43 जौखोन्दो एबा 9.32 डलार दावख्लायनानै मोनफ्रोम अन्सआव 2146.96 डलारआव फालांगि खालामदों। सनाजों लोगोसे समबारखालि रुफानि मुलुगनां बेसेनआबो 0.65 जौखोन्दो एबा 0.17 डलार दावख्लायनानै मोनफ्रोम अन्सआव 25.22 डलारआव फालांगि खालामदों। बेरफासै रुफानि स्पट बेसेनआ 0.71 जौखोन्दो एबा 0.18 डलार दावख्लायनानै 25.01 डलारआव फालांगि खालामदों।

आडानी गुपआ 2024-25 आव 14 आर'ब डलार इन्भेस्ट खालामनायनि थांखि लादों

गोदान दिल्ली, 18 मार्च : आडानी गुपआ फेगौ एप्रिल दाननिफ्राय जागायनो गोनां रंखाथि बोसोरनि थाखाय दानिफ्रायनो प्लेनिंखौ जागायबाय। गोदान रंखाथिथयारि बोसोरा जागायनायनि सिगांनो आडानीया 1.2 लाख कौटि रं इन्भेस्ट खालामगोनखौ मिबथिहोदों। आडानी गुपआ फेगौ रंखाथि बोसोर 2024-2025 आव गावनि कम्पानीफोराव गासै 14 आर'ब डलार (1.2 लाख कौटि रं) इन्भेस्ट खालामनायनि थांखि

लादों। सुलुनि बायदिब्ला, आडानी गुपआ फेगौ रंखाथि बोसोराव ग्रिन एनाजि, उरां गाथोन, सिमेन्ट, कमडिटि बायदि पर्ट पलिय'आव 14 आर'ब डलारनि इन्भेस्ट खालामगोन। आडानी गुपनि गायसनगिरि आरो आफादगिरि गौतम आडानीया सिगाडावबो बुंदोंमोनदि, फेगौ 10 बोसोराव हादतनि ग्रिन एनाजिआव 100 आर'ब डलार इन्भेस्ट खालामगोनखौ ह्यदंन्याय जादों। जेराव 2027 सिमाव सलार मेनुफे क्वारिं के पासिटिखौ



बां'होनानै 10 गिगावाट खालामनायनि यजनायाबो दंफायो। रंखाथि बोसोर 2024-25 नि थाखाय केपिटेल

एक्सपेन्डिसारा गुपनि कम्पानीफोरनि फेगौ 31 मार्चआव जोबनो गोनां रंखाथि बोसोरनि ह्यदंन्यायनिफ्राय 40

पेरिस अलिम्पिकनि सिगां भारतयारि हकी हान्जायाव गिदिर सोलायनाय फेटौं

गोदान दिल्ली, 18 मार्च: पेरिस अलिम्पिक 2024 नि सिगां भारतीय हकी हान्जायाव माखासे गिदिर सोलायनाय लाबोदौं। डच गलकिर्पिनि रोंगथि गोनां डेनिच भेन डि पलआ भारतीय हौवाफोरनि हान्जाखौ गोखौं थियारि खालामनायाव मदद होनो थाखाय फिन खेबसेबाव हेफाजावगिरि मावफारियाआव फेफिनबाय। बिथाडा सिगां समफोरव भारतयारि गल किरार खाना चाहियेजौबो खामानि मावखांबाय। पलआ 2019 आव भारतयारि हान्जायाव जइन्ट जादौं मोन। भारतीय हकी हान्जाया आथिखालाव भुबनेस्वरनि कलिं गा स्टेडियमआव मोनसे हायुडरि फोरोंथाय बादायाव मुखुब जाननै दड। पलआ बे बादायाव बाहागो लागोन आरो साथामबो गल किरार फारियै पिआर श्रीजेश, कृष्ण पाठक आरो सुरज



कारके राखौ जानो गोनां बादायलायनायनि थाखाय गोखौं थियारि खालामनायाव खामानि मावगोन। गाहाइ कच क्रेग फुल्टननि नोजोर होनायाव 10 साननि जर'खा गल किरिपिनि बादाया फेगौ 26 मार्चआव थुंगेगोन। अस्ट्रेलिया दावबायनायनि थाखाय बे बादाया गेलेगिरिफोरखौ सुद्रायगोन। हकी इन्डियानि आफादगिरि दिलिप तिकीआ

सोलिफु बादाखौ भारतयारि हौवा हकी गेलेगिरिफोरनि हान्जानि थाखाय गोनांथार बाहागो फोरमायदौं। सिगां फासै बिथाडा अलिम्पिकआव फिन खेबसेबाव पडियामसिम सौहेनो थाखाय भारतीय हान्जानिफ्राय गासैबो गोनां खाबुफोरखौ रोखा खालामनो थांखि लानायखौ फोरमायदौं। भेन डि पलआ थांया एसियान गेम्सनि सिगां जुलाइ आरो सेप्टेम्बर दानआव

भारतयारि हान्जानि थाखाय मोननै जर'खा बादा खुदौंमोन। डेनिचखौ कर्टआव बाहागो खालामनो मोननायखौ लानानै फुल्टनआ गोजोनाय फोरमायदौं। लोगोसे थांनाय 4 बोसोरनिफ्रायनो भारतीय गल किरारफोर आरो हान्जाया बिथाजौं हाबा मावनायखौ फोरमायदौं।

आरसिबिनि केप्टेन मन्धनाआ अन्सायगिरिफोरनि गोसोखौ देरहादौं

गोदान दिल्ली, 18 मार्च: आइपिएल 2024 नि बिमुंखौ स्मृति मन्धनानि दैदेनाय हान्जा आरसिबिआ देरहाबाय। जोबथा मेचआव आरसिबिनि बलार आरो बेटसमेनफोर गोसोखौ देरिन्थिफुंदौं। जायनि थाखाय गिबियै बेटिं खालामनाय दिल्लीनि हान्जाया 113 रान लानानै ल'स्करिनि टार्गेट होदौंमोन। देरहानायनि उनाव आरसिबिनि केप्टेन मन्धनाआ गावनि बिबुंथिजौं अन्सायगिरिफोरनि गोसोखौ देरहादौं। बिथाडा बे समाव गावनि बिबुंथिजौं गोजोनायखौ फोरमायनो हाया होन्ना फोरमायनानै हान्जानि सायाव गावनि गोगानायखौ फोरमायो। लोगोसे गावसोरनि दिन्थिफुंनयखौ गोजोनाय फोरमायो। मेचनि सिगां



हान्जानि गेजेराव थि समाव गोखौं आगान होनांगोन सायाव सावयलायनायखौ फोरमायनानै थांनाय बोसोरनिफ्राय गावसोरनि रोंगथि मोननायखौ फोरमायो। आइपिएलनिफ्राय वर्ल्ड कापखौ जौसिन मासिआव जायगा होनानै बिथाडा अन्सायगिरिफोरनि सिम गोजोनायलायनाय बाश्त्रा बुंदौं। बे

समाव बिथाडा आरसिबिनि अन्सायगिरिफोरखौ फोथायजाथाव होन्नानै बाखायो। लोगोसे गावसोरनौं जाफुंनय आरो जाफुंनै नि समाव मददआव थाबोनायखौ फोरमायो। मख'नो गोनांदि, जोबथा मेचआव दिल्लीनि केप्टेन मेग लानिआ टसआव देरहानानै गिबियै बेटिं

खालामनो थांखि लादौंमोन। नाथाय हान्जाया 20 अभासरिम गेलेनो हायालासे 113 रानआवनो अलआउट जादौंमोन। बे समाव आरसिबिनि श्रेयांकाआ गोसोखौ बलिं खालामदौं। बेटिंनि फारिआव मन्धनाआ 31, शफी डिबाइनआ 32 आरो एलिश पेरिआ 35 रान लादौं।

एसियान गेम्सनि मेडेलिस्ट गुलभीरआ 16 बोसोरनि गोजाम रेकर्डखौ सिफायदौं



गोदान दिल्ली, 18 मार्च: एसियान गेम्सनि ब्रज मेडेलिस्ट गुलभीर सिंहआ केलिफर्नियानि शेम जुआन केपिस्ट्रानआव दा टेन बादायलायनायाव गावनि हिटआव नैथि थाखोआव जायगा आवग्रिनो थाखाय हौवाफोरनि 10 रोजा मितर खारनायाव 16 बोसोरनि गोजाम हायुडरि रेकर्डखौ सिफायदौं। 25 बोसोरनै गोलभीरआ 27 मिनट 41.81 सेकेन्ड समजौं सुरेन्द्र सिंहनि सिगां समाव 28 मिनट

02.89 सेकेन्ड समाव थिसन्याय रेकर्डखौ सिमफायदौं। नाथाय पिगुलभीरनि नाजानाया अलिम्पिक गेम्सनि थाखाय थोजासे नडमोन। थामहिनबा बिथाडा अलखदनि थाखाय थिखानाय समनि गेजेराव दिन्थिफुंनो हायाखै। पेरिस अलिम्पिक गेम्सनि थाखाय क्वालिकेसननि समआ 27 मिनटआव लाखिजादौं। बेबादि थासारिआव भारतयारि गेलेगिरिआ 41 सेकेन्ड

फारागथिनि जाउनावनो अलिम्पिकनि थाखाय क्वालिकेसन हायाखिसै। बे बादायलायनायाव गुबुन सासे भारतयारि गेलेगिरि कार्तिक कुमारआ 28 मिनट 01.90 सेकेन्ड समजौं 9 थि फारिआव जायगा मोन्दौं। नाथाय बिथानि समफोर सुरेन्द्र सिंहनि सिगां हायुडरि रेकर्डनिफ्राय साबसिनआव थायो। अभिनाष साबलेआ गावनि खारनायखौ फिनिसिं खालामनो हायाखै। आइजोफोरनि 10 रोजा मितर खारनायाव भारतनि पारुल चौधुरिआ 32 मिनट 02.08 सेकेन्ड समजौं 20 थि मासिआव थादौं। बिथाडा 30 मिनट 40 सेकेन्डनि पेरिस अलिम्पिकनि क्वालिकेसन समखौ मोनफुंनो हायाखै।

गोदान दिल्ली, 18 मार्च: आरसिबिनि हान्जाया दिल्ली के पिटेल्सनि हान्जाखौ 8 उइके टजौं फेजेन्नानै डब्लिउपिएल 2024 नि बिमुंखौ देरहाबाय। बे देरहानाया आइपिएल आरो डब्लिउपिएल मोननैबो लीगखौ ज'खालामनानै आरसिबिनि गिबियै बिमुं देरहाबाय। जोबथा मेचआव दिल्लीनि हान्जाया सिगांगो बेटिं खालामनायनि थांखि लानाया जेन्नायनि फोरमान जादौं। बे मेचआव दिल्लीनि हान्जाया आरसिबिनो देरहानायनि थाखाय 114 राननि टार्गेट होदौंमोन। जायनि फिन्नायाव आरसिबिनि हान्जाया गोलेनौं टार्गेटआव सौहेदौं। आइजोफोरनि प्रिमियर लीगनि जारिमिनआव गिबि खेब मोनसे एरबादि देरहानाय, जेराव मोनसे हान्जाया बिमुंजौं लोगोसे हान्जानि गेलेगिरिफोर अरेन्ज आरो पार्ल केपखौ देरहादौं। एलिस पेरिआ आरसिबिनिफ्राय



अरेन्ज केप देरहादौं। बिथाडा डब्लिउपिएल 2024 आव बयनिखुइबो बांसिन रान लादौं। बेनि अनगायैबो श्रेयांका पाटिलआ हान्जानि थाखाय बयनिखुइबो बांसिन उइकेट लानानै पार्ल केप देरहादौं। नाथाय इमार्जि प्लेयार बान्थायाबो श्रेयांका नि मुडवनो फेदौं। शफी मलिन्युआ जोबथा 8 आव आरसिबिनि थाखाय गोखौंसिन बलिं खालामदौं। बे मेचआव बिथाडा 4 अभासरिव

20 रान होनानै 3 उइकेट लादौं। प्लेयार अफ दा मेच बान्थाखौ देरहादौं। आरसिबिनि जर्जिया

वेयरहमखौ सुपार स्ट्राइकर अफ दा सिजन बान्थानि थाखाय सायख'दौं। बिथाडा 163.23 स्ट्राइक रेटजौं 111 रान लानानै बेंगालुरुनि थाखाय गोबां बिहोमा जगायदौंमोन। थामहिनबा आरसिबिनि हान्जाया डब्लिउपिएलनि बिमुं देरहानायजौं लोगोसे हान्जानि गेलेगिरिफोर अरेन्ज केप, पार्ल केप, इमार्जि प्लेयार बिमुं देरहानायनि अनगायै फाइनालआव प्लेयार अफ दा मेच, सुपार स्ट्राइकर अफ दा सिजन आरो प्लेयार प्ले बान्थाखौबो देरहादौं।

वर्ल्ड काप आरो अलिम्पिकनि सायख'नाय ट्रायलआव दिपिकाआ जौसिन मासि मोन्दौं

गोदान दिल्ली, 18 मार्च: मुलुगनि बारग'नम्बर 1 आसोरि दिपिका कुमारिआ जानो गोनां वर्ल्ड काप आरो पेरिस अलिम्पिकनि थाखाय सायख'नाय ट्रायलआव जौसिन मासि आवग्रिनो हादौं। खेबथाम अलिम्पिक मेडेल देरहागिरि दिपिकाआ थांनाय फेब्रुवारि दानआव बागदाद एसिया कापआव गनै सनानि मेडेलजौं गिदिबोफिन्दौंमोन। बिथाडा 2022 नि डिसेम्बर दानआव बिमा जाखानायनि उनाव थांनाय बोसोरनै आव गासैबो सिजननिफ्रायनो गोजानआव दडमोन। दिपिकाआ भजन कौर, अंकिता भक्त आरो कमलीका बारिजौं लोगोसे साब्रे सोद्रोमानि हान्जायाव बाहागो लादौं। मुलुगनि बारग'लाइमोन सेम्पियन बारिआ सिमरनजितनि जायगायाव आंखारदौं। भारतआ दासिमबो आइजोफोरनि



केटेयिआव पेरिस अलिम्पिकनि थाखाय कथा मोन्नो हायाखै। 18-28 जुननि गेजेराव अन्ताल्याआव खुंजानो गोनां वर्ल्ड कापआ अलिम्पिकनि थाखाय जोबथा क्वालिकेसनि खाबु लाबोगोन। धीराज बम्बडेभरआ दासिमाव भारतनि थाखाय मोनसेल' पेरिस अलिम्पिकनि कथा मोन्नानै दड। बिथाडा हौवाफोरनि रिकार्भ केटेयिआव जौसिन मासिआव थानो हादौंमोन। तरुदीप रय, प्रभिन यादव आरो मृनाल चौहानआ हौवाफोरनि रिकार्भ

हान्जानि गुबुन सोद्रोमानि फारिलाइआव दड। रिकार्भ आइजोफोरनि फारिआव दिपिका कुमारि, भजन कौर, अंकिता भक्त आरो कमलीका बारिआ जायगा मोन्दौं। कम्पाउन्ड हौवाफोरनि हान्जानि फारिआव प्रथमेज फुगे, अभिषेक भर्मा, रजत चौहान आरो प्रियान्सआ जायगा मोन्दौं। कम्पाउन्ड आइजोफोरनि फारिआव ज्यति सुरेका बेनम, आदिति स्वामी, परमीत कौर आरो अबनितआ जायगा मोन्दौं।

हेरि केनआ गिबि सिजनआवनो जारिमिन सोरजिदौं

लन्डन, 18 मार्च: इंग्लेण्डनि मुंदांखा फुटबलार हेरि केनआ गिबि सिजनआव बयनिखुइ बांसिन गल सोनायनि फारिआव 60 बोसोरनि गोजाम रेकर्डखौ सिफायदौं। फासैथिं जमाल मुसियालाआ गनै गल सोनानै बेयान' मिउनिखखौ डार्मस्टाडआव 5-2 गल स्करआव देरहाहोदौं। खेब 26 लीग मेचफोरराव 31 गल सोनायजौं केनआ जार्माननि मुंदांखा उवे सिलारनि रेकर्डखौ सिफायदौं। सिलारआ 1963-64 सिजनआव हेमबार्गनि थाखाय 30 गल सोदौंमोन।



मुसियालाआ मेचआव देरहानायाव गोबां बिहोमा जगायदौं। बिथानि मददजौंनो फिन खेबसेबाव बुन्देस लीगनि बिमुं देरहानायनि सिगांखौ लाखिदौं। बिथाडा बेयान' मिउनिखनि मिजिंखौ गोथाडै

लाखिनायाव केनजौं हेफाजाव होदौं। बेयान'नि हान्जाया आथिखालाव बेयर लेबार्कु सेननिफ्राय 7 पइन्ट उनाव दड। बेयान'नि केप्टेन मेनुएल नेउआ मेचनि उनाव माखासे खाबु मोन्नो थाखाय

गावसोरनि गोब्राज नाजानायजौं मोनफुंनो हानायखौ फोरमायो। बिथाडा डार्मस्टाडनि बेरखायै गावनि हान्जानि गरनै गल सोनायनि सायाव गोजोनाय मोनैखौ फोरमायनानै हान्जानि गेजेराव सुद्रायनायनि थाखाय खामानि मावनांगोननि गोनांथिखौ फोरमायो। मोननैबो हान्जानि गेजेराव जानाय बे मेचआव डार्मस्टाडआ 28 मिनटनि गेजेराव गल सोनायनि उनाव बेयान'खौ सोमोनहोदौंमोन। टीम स्कार्केआ गावनि हान्जाखौ जार्मान सेम्पियननि हेथायै मोनसे फोथायथावै आपसेट

खालामनायनि मिजिं होदौंमोन। जेखियानो जाया मानो केनआ हाफ समनि सिगां बेयान'खौ सिगांहोफिन्दौंमोन। मुसियालानि 36 थि मिनटनि गलखौ बिथाडा हेफाजाव होदौंमोन आरो फिन गावबो गरसे गल सोदौंमोन। नैथि हाफनि गेजेराव मुसियालाआ आरोबाव गरसे गल सोदौंमोन। सर्ज गनारबीआ बेन्सनफ्राय फेनायनि उनावो गल सोनानै देरहानायखौ थि खालामो। बेयान'नि मेटिस्टेल आरो डार्मस्टाडनि अस्कार उइलहेम सेनआ स्टेफेज समआव गल सोदौंमोन।

उरिष्यानि हान्जाया आइजोफोरनि हायुडरि हकी सेम्पियनसिपनि क्वार्टर फाइनालाव



गोदान दिल्ली, 18 मार्च: हरियाना, उरिष्या आरो मिजरामआ हकी इन्डिया सिनियर आइजो हायुडरि सेम्पियनसिपआव गावसोरनि मेचआव देरहानानै फारियै आवगायदौं। बे देरहानायजौं

हरियाना आरो उरिष्याआ क्वार्टर फाइनालाव गावसोरनि जायगाखौ लाखिनो हादौं। हरियानाआ मोजां फर्मजौं दिन्थिफुंनानै मेचआव देरहादौं। जायनि फारिआव पुल-डिनि मेचआव बे हान्जाया पुडुचेरिखौ

22-0 गल स्करिआव फेजेन्नानै टुनांमेन्टआव नैथि देरहानाय थिसन्दौं। उरिष्यानि हान्जाया पुल-इनि मेचआव सन्डिगडखौ 6-1 गलजौं फेजेन्नानै। बेरफासै मिजरामआ बे समाव पुल-एफनि फारिआव रजस्तानखौ 20-2 स्करिआव फेजेन्नानै हादौं। तामिलनाडु आरो उत्तराखण्डआबो गावसोरनि मेचआव देरहादौं। तामिलनाडुआ फुल-एइसआव गुजरातखौ 6-0 गलआव आरो उत्तराखण्डआ पुल-जि नि बादायलायनायाव दादर आरो नगर हाभेली आरो दमनद्वीपखौ फेजेन्नानै हादौं।

सिलभानि गलजौं मन्चेस्टर सिटिआ सेमिफाइनालाव सौहेबाय



कापनि सेमिफाइनालाव सौहेनो हाबाय। नैथि थाखोनि कभेन्ट्रीआबो आवगायनो हादौं। बे हान्जाया 37 बोसोरनि उनाव एफए कापनि सेमिफाइनालाव सौहेनाय लामायाव उलबार् हेम्पटन (उल्फस)खौ 3-2 गल

स्करआव फेजेन्नानै। कभेन्ट्रीआ जोबथा खेब 1987 आव एफए कापनि सेमिफाइनालाव सौहेदौंमोन। बे हान्जाया देरहानायनि फारिआव थिखानाय समनि जोबनायथिं एलिस सिमस' आरो हाजि रइटनि फारियै गल

सोनायजौं आवगायदौं। उल्फसआ मोनसे समाव 2-1 गल स्करआव आवगायदौंमोन। नाथाय सिमस'आ 53 थि मिनटआव गल सोनानै कभेन्ट्रीखौ सिगां होफिन्दौं। 83 थि मिनटआव रयान नुरि आरो 88 थि मिनटआव ह्युग'बुएनआ उल्फसनि थाखाय गल सोदौं। इंसिल प्रिमियर लीगआव सेम्पियन्स लीगनि थाखाय क्वालिकेसन जानायनि लामायाव टेटनहामनि हान्जाया मोगा-मोगि जानादौं। बे हान्जाया फुलहामनि हेथायै 0-3 गल स्करआव जेन्नादौं। रड्डी नुसेआ

मेचनि 42 थि आरो 61 थि मिनटआव हान्जानि जानानै गल सोदौं। सासा लुकिआ 49 थि मिनटआव फुलहामनि जानानै गरसे गल सोनो हादौं। टेटनहामआ दासिमावबो 6 थि फारिआव जायगा मोन्नाय मन्चेस्टर इउनाइटेडनिफ्राय 6 पइन्ट सिगांसिनआव दड। इपिएलनि साबसिन मोनब्रे हान्जाया सेम्पियन्स लीगनि थाखाय क्वालिकेसन जायो। फेगौ सिजननिफ्राय इपिएलनि साबसिन मोनबा हान्जाफोर लीगनि थाखाय क्वालिकेसन जानो हागौं।